



文粹卷第九

古賦主 摠十首

吳興姚

鉉

纂

修身

動靜交相養賦

白居易

哀樂愁思

懷中賦

歐陽詹

泛渭賦

白居易

望賦

劉禹錫

惜餘春賦

李白

江上愁心賦

張說

別知賦

韓愈

愛而不見賦

蕭穎士

傷桂賦

劉禹錫

夢

夢渴賦

何諷

動靜交相養賦 并序

白居易

居易常見今之立身從事者有失於動有失於靜斯由動靜俱不得其時與理也因其所以然用自欲導命曰動靜交相養賦云天地有常道萬物有常性道不可以終靜濟之以動性不可以終動濟之以靜養之則兩全而交利不養之則兩傷而交病故聖人取諸震以發身受以復而知命所以莊生曰智養恬易曰蒙養正者也吾觀天文其中有日月明則月晦日晦則月明明晦交養書

夜乃成吾觀哉功具中有信陽進則陰退陽退則陰進進退交養
寒暑乃順且躁者本於靜也斯則躁為民靜為君以民養君教化
之根則動養靜之道斯好且有者生於無也斯則無為母有為子
以母養子生成之理則靜養動之義明矣所以動之為用在氣為
春在鳥為飛在舟為楫在谷為機不有動也靜將時依所以靜之
為用在蟲為蟄在水為止在門為鍵在輪為扼不有靜也動至如
始則知動方靜所伏靜方動所倚吾何以知交養之然哉以此有
以見人之生於世出處相濟必有時而行非匏瓜不可以長繫人
之善其身直相循必有時而居故天變不可以長伸嗟夫今之
人知動之可以成功不知非其時動亦為凶知靜之可以立德不
知非其理靜亦為賊大矣哉動靜之際聖人其難之先之則過時
後之則不及時交養之間不容毫髮故老氏觀妙顏子知幾噫非
二君子吾誰與歸

懷忠賦并序

歐陽修

丙寅歲因受譴季冬之月次于郡墟歷關龍逢墓焉昔聆其風
嘗不迴腸噴涕視夫坐龍心又增傷感寫憤于言為賦以月先生
以忠諫致命故以懷忠命篇云

天生彼辛兮用截覆于夏家欲悠悠然而罔極毒浩浩而無涯無辜
殞身肆市朝之若莽有道併命委炮烙以如麻伊先生之謬謬為
酷烈之所加葦披圖於往載每廢卷以興嗟蕭條在邑莽蒼空破
陷陟於坎古木無枝或人曰此其墓也又一倍以增悲嗚呼麟非騰
噬之傳詎虎狼之共穴鳳實仁靈之類豈雁鳥鸚之同列惟玉石之
明公亦薰蕕之自別是以譽譽心競昂昂面折彼炎炎之原燎信
然其而不滅寧歸死以申懷不令身生而結舌痛矣哉古人有言輔
人者大德善者神胡為是日力不如人使典章之不信俾忠義之
空勤律中大呂日臨家谷風颺颺於衰草煙茫茫乎陸思懷懷
而填臆淚淫淫以盈目義則非其知友親故遠夫骨肉節臨危而
不撓行於艱而彌篤惟其有之是以傷之而慟哭

泛渭賦并序

白居易

右丞相高公之堂美真舉也子以鄉貢進士舉及第左丞相鄭公之

領選部也予以書判拔萃登科十九年天子並命二公對掌鈞軸
朝野無事人物甚安明年春予為校書郎始徙家秦中卜居渭上
上樂時和歲稔萬物得其宜下樂名遂官閑一身得其所既美二
公佐清靜之理又荷二公垂特達之遇發於嗟歎流為詠歌于時
泛舟于渭因為泛渭賦以道其景辭曰

亭亭華山下有人跡兮望兮愛彼三峯之白雲泛泛渭水上有舟
汎兮汎兮愛此百里之清流以我為太平之人兮得於斯而優游
又感陽春之氣熙熙兮樂天和而不憂曰予生之幸兮時哉時哉
富皇唐受命之九葉兮夷與華而無氛埃及皇帝繼位之二紀兮
命高與鄭為贈梅二賢兮爰立四門兮大開九讀儒書與履儒行
者率充賦而四來雖片藝而必收兮故不棄予之小才感再遇於
知己心慙作以排徊登予名於太常署予職於蘭臺書室有蘭兮
閣有芸芳菲非兮可龍襲備一官而無事又不維而不勢家去首兮
百里每三旬而一入川有渭兮山有華澹悠悠其可賞自白雲兮
漱清流且或偃而或仰門去渭兮百步常一日而三往夜分兮

舳天無雲兮水無煙遲遲兮明月波淡澹兮禪寅綠日暮兮舟泊
草萋萋兮水漠漠君君兮春風岸柳動兮渚花落發浩歌以長引
舉濁醪而緩酌春冉冉其將盡予何為乎不樂鳥樂兮雲際鳴嬰
嬰兮飛禽兮魚樂兮泉底著被撥兮尾激激我樂兮聖代心融融
兮神泚泚伊萬物各得其樂者由聖賢之相契賢致聖於無為聖
致時於既濟疑為和兮聚五福發為春兮消六凶不我後兮不我
先適當我兮生之世彼鱗蟲與羽族咸知樂而不知惠我為人兮
所愧賢相四荷聖帝樂乎樂乎汎于渭兮詠而歸聊逍遙以卒歲

望賦

劉禹錫

貌不語兮臨風境自外兮感從中明晦轉續兮八極鴻蒙上下交
氣兮群生異容發孤照于寸眸驚遐情乎太空物乘化兮多象人
遇時兮不同嗟乎有目者必騁望以盡意當望者必緣情而感時
有待者瞿瞿焉懷者熙熙慮深者瞠然若喪樂極者冲然無違外
徙倚其如中糾紛兮若斯望如何其望最樂時慶霄兮溯阿閣如
雲兮天顏咫尺如草兮臣心踴躍前交君兮歲裝旗升龍兮雙略

日轉黃道天開碧落疑瑞景於庭極物非煙於殿幕望如何其望
且歡登瀛岸兮見長安紛擾擾兮紅塵合鬱鬱劫劫兮佳氣盤池象
漢兮昭回城依斗兮闡千遊御史之駟馬逐侍臣之金九望如何
其望彼好宗萬靈兮越四隩漢帝仙臺兮秦皇海嶠霓衣踴于
河上馬跡窮乎越激紫氣度關而斐靈神光屬天而照耀睨春春
以馳精登尊尊而觀妙望如何其望有形視蠢蠢兮窮冥冥楚
室氣惡兮蕭關燧明暈龍孤月角奮長庚沙多以雪積有疑城煙
雲非女子之氣草木盡王者之兵雷曳柴之虛警破來騎之先声
信有得于風鳥示無言於旆旌望如何其望且慕恩意隔兮年光
驚凋華已辭兮金屋何如長信草生兮長門日暮侯翠華之儻來
仰玄天以自訴况復湘水無還漳河空注淚凍枝葉香餘純素風
蕭蕭兮北渚波煙漠漠兮西陵樹夫不歸兮江上石子可見兮秦
源墓拍琴翻朔塞之音袂瑟拍邯鄲之路望如何其望最傷侯環
玦兮思帝鄉龍門不見兮雲霧蒼蒼喬未何許兮山高水長春之
氣兮悅萬族獨含頰兮千里目秋之景兮懸清光偏結憤兮九回

腸羨環拱于白榆借馳暉于落棠諒衝斗兮誰見伊戴盆兮何望
評豈止蘇武在胡官寧浮海送飛鴻之滅沒附陰火之光彩鶴頸
長引烏頭未改限已極兮平原空起何時兮東山在未望如何傷
懷孔多降將有依風之感宮人成憶月之歌歌曰張衡側身愁思
夕王粲登樓日迴首不作渭濱垂釣臣羞爲洛陽拜塵友

惜餘春賦

李白

天之何爲令北斗而知春兮迴指於東方水蕩漾兮碧色蘭葳蕤
兮紅芳藟豈高而望遠極雲海之微茫鬼一去兮欲斷淚流頰兮成
行吟青楓而詠滄浪懷洞庭兮悲瀟湘何餘心之縹緲兮與春風
而飄揚飄揚兮無限念佳期兮莫展平原妻兮綺色爲芳草兮如
翦惜餘春之將闌每爲恨而不淺漢之曲兮江之潭把瑤草兮思
何堪想遊女於峴北愁帝子於湘南恨無極兮心盪盪目眇眇兮
憂紛紛披衛情於淇水結楚夢於陽雲春每歸兮花開花已闌兮
春改歎長河之流春送馳波於東海春不留兮時已失老衰颯而
情逾在恨不得往長繩於青天繫兮代之白日若有人兮情相親

去南國兮往西秦見遊絲之橫路細看輝以留人沉吟兮哀歌躑躅兮傷別送行子之將遠看孤鴻之稍滅醉秋心於垂楊隨柔條以糾結望夫君兮興咨嗟橫涕淚兮怨春華送寄影於明月送夫君於天涯

江上愁心賦

張說

江上之峻山兮鬱崎嶇巖巖而不極雲爲峯兮煙爲色歟變態兮心不識江上之深林兮育其象而不已鳥爲花兮猿爲子紛盪漾兮言莫擬首塗陰兮若山秋水平兮若天冬沙飛兮浙浙春草靡兮芊芊感四節之默運知萬化之潛遷伴衆鳥兮寒渚望孤帆兮日晏雖欲貫於腸於巧筆紡難夢於哀絃是心也非模放之所逮將有言兮是然將無言兮是然

別知賦

韓愈

予取友於天下將歲行之兩周下何深之不即上何高之不求紛擾擾其既多或喜能而好修寧安顯而獨裕顧既窮而共愁惟知心而難得斯一日而爲仇歲癸未而遷逐旅蟲蛇於海陬遇夫久之來使闢公館而羅奉索微言於亂志發孤笑於群憂物何深而不考理何隱而不抽殆參差以異序卒瀾漫而同流何此歡之不可恃遂駕馬而迴軒山傲傲其相軋樹奕翁其相樛兩浪浪其不止雪浩浩其常浮知來之不可以數哀去此而無由倚郭鄂而掩涕至盡日以遲留

愛而不見賦

蕭穎士

嗟乎或愛之而不見者有矣何必周秦異代夷夏殊軌阻嚴城之九重限方舟之水苟時事之參差故人遐而空瀟關山起於足下堂上遠乎千里聳專專之目成遠時逝而復正詩人所以思婉變而搔首賦城隅之有俟吁不待其已也惟夙昔之良會夢佳期於北方疑渤海之三山吸流霞之景光含芳辭以貺予云好惠之不忘顧服義之求日陪遊嬉於帝鄉廣莫忽其飄忽鯨波洶而騰張俄驚魂以輟寐閒窮髮之茫茫將揭厲以復從駛風濤之匪量顧投軀以棄吝各撫遺體以兢惶晨切切以悽愴夕屏營以彷徨追前歡之俯瀾歎此恨之收長於是心神返慮澄澹靜默冥然就寢

元若無識異良宵之復遇希舊迹之可即徒有顧兮且未克憂沉
深兮幸曾瞻風兮雨兮何極

傷住賦 井序

劉禹錫

人之所以取貴於繫走者情也而誕者以遺情為智豈至言耶予
授室九年而鰥痛若人之天閱弗遂也作賦以傷之冀夫覽者有
以增伉儷之重云

歎獨處之邑邑兮憤伊人之我遺情可殺而猶毒境當歡而復悲
人或朝歎而暮息夫何越月而踰時太極運乎三辰轉寒暑而下
馳有歸於無兮盛復于衰猶味爽之必暮又安得而怨咨我今怨
夫告人兮曾旭旦而渚暉飄零日及之華倏忽蟬蛸之衣川走下
而不還露迎陽而易晞恩已甚兮難絕見無期兮永思我行其野
農民桑者舉校來鱗亦在林下我觀于途禪販之夫同荷均挈荆
叙布襦羽毛之蕃鱗介之微和鳴灌叢雙冰漣漪蕩蕩者蟲蠢
蠢伊豕遊空穴深兩兩相比何動類之萬殊必雄雌而與俱物莫
失儷以孤處我方踽踽而焉如我復虛室自淒涼兮心伊鬱兮心伊

鬱兮將語誰坐匡牀兮撫嬰兒何所巧沐兮何從仰飴襦袴在身
兮昔圍差跌擊囊附臂兮餘馥歲蕤誠天性之潛感顧童心兮如
疑曉然有難繼之慕漠然減好弄之姿指遺桂兮能認慙空惟兮
欲歸我入寢室痛人亡兮物改其容寶瑟僵兮絃柱絕瑤臺傾兮
鏡奩空寒爐委灰虛幌多風隙駟晨轉窻蟾夜通步搖昏兮網粘
翡翠芳褥掩兮塵化蛩蛩閱刀尺之餘澤見巾箱之故封翫服儼
兮猶具繁華謝兮焉從想翩翩於是非求傑率與負蒙信奇術之
可致嗟生此兮不逢徒注視以寂聽况神疲而目窮還抱影以獨
出紛百哀而攻中系曰龍門風霜苦別鶴哀鳴夜街羽吳江波浪
深惟劍一去無遺音悲之來兮憤予心洵如行波俯浸淫悵緣情
而莫極思執禮以自箴已焉哉苒苒生死悠悠古今乘彼一氣兮
聚散相尋或鼓而興或罷而沉以無涯之情愛悼不駐之光陰諒
自迷其有分徒終怨於匪忱彼蒙莊兮何人予獨累歎而長吟

夢渴賦

何諷

不宿食以晨飲困鍾子以沉寢末言而高局墮幅巾而橫枕及

乎酒適衷腸神遊異方煙生喉舌作然如狂愛瞰甃以窺汲諒不
任於呼吸能據河而俯瀆乃器舟而杯斛倒魚鼈之窟宅見蛟龍
之委伏猶胃腸之不浹資宴飲而未足由是奔九江走五湖手不
暇於軒運心不息於躊躇見波漸竭而百川如綫岸益高而底淤
將枯腹慊爾而未覺肺燥然而不濡尋至大溟茫然連清豈爾浩
瀚而吾量不盈斟酌未幾倏見涯涘百靈稽首乞留濡旣吾腹未
充豈汝爲意俄傾竭於浩渺奄滴瀝而無漬瑤宮貝闕盡列平地
三山赤城可以步至鯤鯨唵喁相煦以呬大鵬驚攫巨鼇愕眙
四顧燥涸惘然興情此情何奇非吾所知恨滄海之可罄不足充
吾之所思周遭有截塊然蟠塙水府萬族咸呼帝闕帝且不聞吾
欲未竭方將尋蟻珥期耿恭問姜母以何在訪舒姑而欲從辨夸
父於渭上弔相如於臨邛萬計已盡六腑如盡窻日斜照飛蚊遶
鬢旣驚旣覺可歎可笑飲不盡器枯腸已瘵指頤沉吟其意逾
深以吾此日之一夢見自古不足者之心

文粹卷第九

文粹卷第十

古詞一 摠一百四十五首

吳興妣

鉉

纂

古今樂章

琴操附

古樂章

補樂歌十篇

元結

補九夏歌祭文九篇皮日休

今樂章

冬至日祀昊天圓丘樂章八首

魏徵等

開元樂章十九首

張說

玄宗開元十三年封泰山祀天樂章十一首

張說

正月上辛祈穀於南郊樂章三首

褚亮

季秋享上帝於明堂樂章一首

褚亮

祀五方上帝于五郊樂章二十首

魏徵等

祀朝日樂章三首

貞觀中

祀夕月樂章三首

貞觀中

睿宗太極元年登黃地祇於方丘樂章十首

盧從愿

玄宗開元十三年禘社首山祭地祇樂章八首

加賀知章

登太社樂章三首

魏徵等

享龍池樂章十首 姚崇等

享太廟樂章五首 郭子儀等

儀坤廟樂章九首 徐彦伯等

琴操十首 韓愈

補樂歌十篇并序

元結

自伏羲氏至於殷室凡十代樂歌有其名亡其辭考之傳記其義
或存焉嗚呼樂聲自太古始百世之後盡亡古音嗚呼樂歌自太
古始百世之後遂亡古辭今國家追復絕古列祀往帝歲時薦享
則必作樂而無雲門咸池韶夏之聲故探其名義以補之誠不足
全化金石反正宮羽而或存之猶乙乙冥冥有純古之聲豈幾乎
司樂君子導和焉爾凡十篇二十章各引其義以序之命曰補樂歌
網罟伏羲氏之樂歌也其義蓋稱伏羲能易人取禽獸之勞
吾人苦兮水深深網罟設兮水不深吾人苦兮山幽幽網罟設兮
山不幽

右網罟三章章四句

豐年神農之樂歌也其義蓋稱神農教人種植之功

猗大帝兮其智如神分草實兮濟我生人猗大帝兮其功如六均
四時兮成我豐年

右豐年二章章四句

雲門軒轅氏之樂歌也其義蓋言雲之出潤益萬物如帝之德無
所不施

玄雲溶溶兮垂雨濛濛類我聖澤兮涵濡不窮黃雲漠漠兮含映
逾光競我聖德兮溥被無方

右雲門二章章四句

九淵少昊氏之樂歌也其義蓋稱少昊之德淵然深遠
聖德至深兮淵淵如淵生類族族兮孰知其然 族許其反

右九淵一章四句

五葦顓頊氏之樂歌也其義蓋稱顓頊得五德之根莖
植植萬物兮脩脩根莖五德涵柔兮溥溥 房成而生其如何兮抽

袖 妙周天下皆自我君兮化成

右五莖一章七句

六英高辛氏之樂歌也其義蓋稱帝學能揔六合之英華
我有金石兮擊拊宗宗與汝歌舞兮上帝之風由六合兮英華颯颯
我有絲竹兮韻和泠泠與汝歌舞兮上帝之聲由六合兮根抵羸羸

右六英二章章六句

咸池陶唐氏之樂歌也其義蓋稱堯德至大無不備全
元化油油兮孰知其然至德汨汨兮順之以先元化泥泥尾
兮孰知其然至道泱泱兮由之以全

右咸池二章章四句

大韶有虞氏之樂歌也其義蓋稱帝舜能紹先聖之德
森森群象兮日見生成欲聞朕初兮玄封冥冥洋洋至化兮日見
深柔欲聞涵濩兮大淵油油

右大韶二章章四句

大夏有夏氏之樂歌也其義蓋稱禹治水其功能大中國
茫茫下土兮乃生九州山有長岑兮川有深流茫茫下土兮乃均
四方國有民人兮野有封疆茫茫下土兮乃歌萬年上有茂功兮
下戴仁天

右大夏三章章四句

大護有殷氏之樂歌也其義蓋稱湯救天下護然得所
苗姓苦兮怨且哭不有聖人兮誰護育聖人生兮天下和萬物熙
熙兮舞且歌

右大護二章章四句

補九夏歌系文九篇并序

皮日休

周禮鍾師掌全奏九樂事以鍾鼓奏九夏按鄭康成注云夏者大
也樂之大者歌有九也九夏者皆詩篇銘頌之類也此歌之大者
載在乎樂章樂朋亦從而亡是以頌不能具也嗚呼吾觀之魯頌
其古也亦以久矣九夏亡者吾能頌乎夫大樂既去至音不嗣頌
於古不足以補亡頌於今不足以入用庸何頌乎頌之亡者俾千
古之下鄭衛之內窈窕冥冥不獨有大卷音攀續之音者乎
王夏之歌者王出入之所奏也

燠燠皎日歛麗于天厥明御舒如出焉燠燠皎日歛于地厥
悔厥貞如王入焉出有龍旂入有珩珮勿馳勿馳惟慎惟戒出有
嘉謀入有內則繁彼臣庶欽王之式

王夏四章章四句

肆夏之歌者尸出入之所奏也
悃悃清廟儀儀衣服我尸出矣迎神之穀杳杳陰竹坎坎路鼓我
尸入矣得神之祐

肆夏二章章五十四句

昭夏之歌者牲出入之所奏也
有鬱其鬯有儼其彝九變未作全秉來之既醑既酌爰音胤饋爰
舞象物既降全秉之去

昭夏二章章四句

納夏之歌者四方賓客來之所奏也
麟之儀儀不繫不維樂德而至必賓之嬉鳳之何愉不善不效樂
德而至如賓之娛自笙及管我有牢醑自笙及篪我有管幣我

不愆我貨不匱碩碩其才有樂而止

納夏四章章四句

章夏之歌者臣有功之所奏也
王有虎臣錫之鉄鉞征彼不德一撲而滅王有虎臣錫之圭瓚征
彼不享一賦而泮王有掌封追爾疆理王有掌客饋爾饗食
籩何以樂之金石九奏何以賜之龍旂九旒去声

章夏四章章四句

齊夏之歌者夫人祭之所奏也
璫璫衡筭鞶鞶褕翟自內而祭為君之則

齊夏一章章四句

族夏之歌者族人酌之所奏也

洪源誰孕疏為江河大塊孰埏播為山阿厥流浩漾厥勢嵯峨
今君之酌慰我實多

族夏二章章四句

祗夏之歌者賓出之所奏也

禮酒既酌嘉賓既厚饋為之奏禮酒既竭嘉賓既悅應為之節
禮酒既罄嘉賓既醒雅為之行饋應雅三樂器也賓醉而出奏祓

祓夏三章章二句

敷鳥夏之歌者公出入之所奏也
桓桓其珪衮衮其衣出作二伯天子是毗桓桓其珪衮衮其服入
作三孤國人是福

敷鳥夏二章章四句

冬至日祀昊天圓丘樂章八首 魏徵褚亮虞世南等作

降神用豫和

上靈卷命膺會昌盛德殷薦叶辰良是福降兮聖德遠文化穆
兮天歷長

皇帝行用太和

穆穆我后道應千齡登三處大得一君貞禮惟崇德樂以和声百
神仰止天下文明

登歌奠玉帛用肅和

闐陽播氣甄曜垂明有赫賈空深仁曲成日麗登君聲應開紫宮
聿遵虞享式降鴻禋

迎俎用雍和

欽惟大帝載仰皇穹始命田燭爰啓郊宮雲門駭聽雷鼓鳴空神
其介祀景祚斯融

酌獻飲福用壽和

八音斯奏三獻畢陳寶祚惟永輝光日新

送文舞出迎武舞入用舒和

鹽壁疑影皇壇路編珠流彩帝郊前已奏皇鍾歌大呂還符宝曆
祚昌年

武舞作用凱安

昔在炎運終中蕪亂無象豐郊赤鳥見邱山黑雲上太齊下周車
禁暴開殷網幽明同叶英鼎祚齊天壤

天神用豫和

歌奏里兮禮獻終六龍馭兮神將昇月德感兮升泰稷降福簡

方祚休徵

開元樂章十九首

張說

肅九室

諧八音

歌皇慕

動神心

禮宿設

樂妙尋

聲明格

裸奠臨

律逐氣

音入玄

依玉凡

御黼筵

聆愾息

優周旋

九韶遍

百福傳

信工祝

未頌聲

來祖考

聽和乎

相百辟

貢九瀛

神休未交

帝孝成

皇帝行太和之樂一章

時文聖后

清廟肅雍

致誠勤孝

在貌思恭

玉卮四夏

金鐃五鍾

繩繩雲步

穆穆天容

酌瓊盃歌肅和樂一章

天子萃享

工歌博將

躬裸鬱鬯

乃藝膏鬱

臭以達陰

聲以求陽

奉時蒸嘗

永代不忘

迎俎雍和之樂二章

在滌嘉麥

麗禋敬牲

角擗之牲

色純之駢

火傳陽燧

水既陰精

太公辟俎

傳說和羹

齊戒黜彘

俎豆有馨

亦有和羹

既戒既平

鼓鍾管磬

肅唱和鳴

皇皇后祖

來我思成

酌獻用文舞一章

聖謨九德

真言五千

慶集昌胄

符開帝先

高文仗鉞

克配彼天

三宗握鏡

六合煥然

帝其承祀

率禮罔愆

圖書霧出

日月清懸

舞形德類

詠諗功傳

黃龍蜿蜒

綵雲踟躕

五行氣順

八佾風宣

介此百福

於皇萬年

宣皇帝室光大之舞一章

肅肅藝祖

涓涓濬源

有雄玉劔

作鎮金門

文王餘緒

后稷謀孫

肇禋九廟

四海來尊

光皇帝室長發之舞一章

具禮崇德

備樂承風

魏淮僮主

周贈司空

不行而至 無成有終 神與王業 天歸帝功

景皇帝室大政之舞一章

於赫元命 權輿帝文 天齊八柱 地半三分

宗廟觀德 笙鏞樂勳 封唐之兆 成天下君

元皇帝室大成之舞一章

帝舞季歷 襲聖生昌 后歌有媯 胎炎孕皇

天地合德 日月齊光 肅雍孝享 祚我萬方

高祖神堯皇帝室大明之舞一章

赤精亂德 四海困窮 黃旗舉義 三靈會同

旱望膏雨 雲披大風 溥天來祭 高祖之功

太宗文武聖皇帝室崇德之舞一章

皇合一德 廟宗百神 削平天下 太極生民

上帝配食 單于入臣 戎歌陸舞 曄曄震震

高宗天皇大帝室鈞天之舞一章

高皇邁道 端拱無為 化懷德馨 兵戢句驪

禮尊封禪 樂盛來儀 合位媯后 同稱伏羲

中宗孝和皇帝室文和之舞一章

退居江水 鬱起丹陵 禮物還舊 朝典中興

龍圖反及 駿命恭膺 鳴球香瓊 大禧是承

睿宗大聖真皇帝室景雲之舞一章

景雲霏爛 告我帝符 噫帝冲德 與天為徒

笙鏞送遠 迺且虛無 春秋孝獻 因復此都

皇帝受福酒肱福和之樂一章

備禮用樂 崇親致尊 誠通慈降 敬徹愛存

獻懷稱壽 吟感承恩 皇帝孝德 子孫千億

大包天域 長且丕極

送文舞迎武舞一章

六鍾翕協六變成 八佾倘佯八風生 樂九韶兮人神感

美七德兮天地清

亞終獻武舞凱安之樂四章

聖彼瑤爵 亞維上公 室如屏氣 門不容躬 禮殷其本

樂執其中 聖皇所慕 天地幽通 降循軒陸 仰歆皇情 福與仁合

禮市三獻 樂變九成 四海風行 奮揚增氣 坐作為容 離若鷙為

德因孝明 百年神畏 肅肅雍雍 萬方觀德 黃鉞誅群盜 朱旗掃多罪

總總千戚 填填鼓鍾 肅肅雍雍 黃鉞誅群盜 朱旗掃多罪

合如戰龍 萬方觀德 肅肅雍雍 黃鉞誅群盜 朱旗掃多罪

烈祖順三靈 文宗威四海 大哉干羽意 長見風雲在

戢兵天下安 約法人心改 大哉干羽意 長見風雲在

撤豆登歌一章 廓無響 宵又玄 主在室

止笙警 廓無響 宵又玄 主在室

神在天 情餘慕 禮罔愆 嘉黍稷 屢豐年

送神一章 感若來 思如往 休氣息

眇嘉樂 援靈爽 還惚恍 懷虛駕 結空想

迴風上 返寂寞 還惚恍 懷虛駕 結空想

玄宗開元十三年封泰山祀天樂六首 張說

降神用豫和六變 夾鍾宮之一

托泰壇柴泰清受天命報天成竦皇心薦樂聲志上達散下迎

夾鍾宮之二

億上帝臨下庭騎日月陪列星嘉視信大精馨澹神心醉皇靈

夾鍾宮之三

相百登真八荒九歌叙萬舞翔肅振振鏘皇皇帝欣欣福穰穰

黃鍾宮之四

高在上道光明物資始德難名承眷命牧蒼生寰宇謐太階平

太簇徵之五

天道無親至誠與鄰山川遍禮宮徵惟新玉帛非盛聰明會具正

斯一德通乎百神

姑洗羽之六

鄉食帝饗親維孝維聖緝熙懿德敷揚成命華夷志同笙鏞禮盛

明靈降止感此誠敬

迎送皇帝用太和

孝敬中發和容外彰騰華照寓如昇太陽貞璧就莫玄靈垂光祀
樂具舉濟濟洋洋

登歌莫玉帛用肅和 羽調

莫祖配天承天享帝百靈咸秩四海來祭植我蒼壁布我玄製華
日徘徊神煙容裔

迎俎入用雍和

俎豆有秘絜粢豐盛亦有和羹既戒既平鼓鍾管磬肅唱和明
皇皇后祖來我思成

酌獻用壽和

蒸蒸我后享獻惟寅躬酌鬱鬯跪奠羽神孝莫孝乎配上帝於親
以莫敬乎教天下為臣

皇帝飲福酒用壽和

皇祖嚴配享皇天皇降嘏天子萬年

送文舞出迎武舞入用舒和 商調

六鍾翕協六變成八佾倘佯八風生樂九韶兮人神感美七德兮

天地清

送神用豫和 夾鍾宮調

禮樂終

禋燎上

懷靈惠

結皇想

歸風莊

迴天爽

百福來

眾神往

正月上辛祈穀於南郊樂章三首

褚亮

登歌奠玉帛用肅和

履良斯繩居中體正龍運垂祉昭符啓聖式事嚴禋聿懷嘉慶惟
帝永錫時皇伏命

迎俎用雍和

殷薦乘春大壇臨曙八簋盈和六瑚登御嘉稷匪飲德馨斯猷祝
嘏無易靈心有豫

送文舞出迎武舞入用舒和

玉帛犧牲申敬享金絲戚羽成音容庶俾億齡提景福長欣萬寓
洽時豔

季秋享上帝於明堂樂章一首

褚亮

送文舞出迎武舞入用舒和

御宸合宮永寶歷席圓重館奉明靈偃武修文九圍泰沆烽靜柝
八荒寧

祀五方上帝于五郊樂章二十首 魏徵 褚亮 虞世南等作

祀黃帝降神宮音

黃中正位含章居貞既長六律蕤和五聲畢陳萬舞乃薦斯牲神
其下降求祥休平

登歌奠玉帛用肅和

眇眇方輿蒼蒼圓蓋至哉樞紐宅中圖大氣調四序風和萬籟祗
我明德時雍道泰

迎俎用雍和

金縣夕肆玉俎朝陳饗薦黃道芬流紫辰迺誠迺敬載享載禋崇
祀斯在惟皇是賓

送文舞出迎武舞入用舒和

御徵秉宮出郊甸安歌率舞遞將迎自有雲門符帝賞猶持雷鼓

答天成

祀青帝降神用角音

鶴雲且起鳥星昏集依啓新風陽開初蟄至德可饗行僚斯挹錫
以無疆蒸人乃粒

登歌奠玉帛用肅和

玄鳥司春蒼龍登歲節物變柳光風轉蕙瑤席降神朱絃饗帝誠
備祝嘏禮殫珪幣

迎俎用雍和

大樂稀音至誠簡禮文物斯建聲明濟濟六變有成三登無體迺
春豐潔恩覃愷悌

送文舞出迎武舞入用舒和

笙歌簫舞屬年韶鸞鳥鼓鳧鍾展時豫調露初迎綺春節丞雲遽
踐蒼霄馭

祀赤帝降神用徵音

青陽告謝朱明戒序咸長是祈敬陳椒醕博碩斯薦笙鏞備舉

庶盡肅恭非馨曾稷黍

登歌奠玉帛用肅和

離位克明火中宵見峯雲暮起景風晨扇木槿初榮含桃可薦芬
馥百品鏘洋三變

迎俎用雍和

昭昭丹陸弈弈炎方禮陳牲幣樂備簋篚黃瓊羞溢俎玉齊浮觴
恭惟正直歆此馨香

送文舞出迎武舞入用舒和

千里溫風飄絳羽十枚炎景勝朱干陳觴薦俎歌三獻拊石撻金
會七盃

祀白帝降神用商音

白藏應節天高氣清歲功既阜庶類收成方方靜謐九土和平
馨香是薦受昨聰明

登歌奠玉帛用肅和

金行在節素靈居正氣肅霜嚴林凋草勁行祭隼擊潦收川鏡

九穀已登千箱流詠

迎俎用雍和

律應西成氣躔南呂珪幣咸列笙竽備舉苾苾蘭羞芬芬桂醑
式資宴既用調霜序

送文舞出迎武舞入用舒和

璿儀氣爽鸞駕緹籥玉呂交飛含素商鳴鞀奏管芳羞薦會舞
安歌葆眊揚

祀黑帝降神用羽音

嚴冬季月星迴風厲享祀報功方祈來歲

登歌奠玉帛用舒和

律周玉瑄星迴金度次極陽烏紀窮陰兔火林霰散雪湯泉凝洹八
蜡已登三農息務

迎俎用雍和

陽月斯紀應鍾在候載潔牲牲爰登俎且既高既遠無聲無臭靜
言格思惟神保佑

送文舞出迎武舞入用舒和

執籥持羽初終曲朱干玉戚始分行七德九功成已暢明靈降福具穰穰

祀朝日樂章三首

貞觀中作

登歌奠玉帛用肅和

惟聖格天惟明郊饗日帝郊肆類王宮戒吉珪奠春舒鍾歌曉溢礼云克備斯文有秩

迎神用雍和

晨儀式薦明祀惟允神物爰止靈暉載陽玄端肅事紫帷興祥福履收假於昭令王

送文舞出迎武舞入用舒和

崇牙樹羽延調露旋宮扣律掩丞雲誕敷懿德昭神武載集豐功表睿文

祀夕月樂章三首

貞觀中作

登歌奠玉帛用舒和

妙為神通微曰聖坎祀貽則郊裡展敬璧薦登光金歌動映以載嘉德以流曾慶

迎俎用雍和

晨舉大宗禮闕夜出涼秋陰明湛夕有齊斯旨有牲斯碩穆穆其暉穰穰是積

送文舞出迎武舞入用豫和

合吹八風金奏動分容万舞玉鞘驚辭昭茂典光前烈夕曜成功表舊明

睿宗太極元年登黃地祇於方丘樂章二十一首

林鍾商

大樂和暢殷薦明神一降通感八變必臻有求斯應無德不親降靈醉止休徵萬人

太簇角

盧從愿

坤元載物陽樂發生播殖資始品彙咸亨別俎基布方壇砥平神啟禋祝后德惟明

沾洗徵

劉冕

大君出震有事郊禋齋戒既肅馨香畢陳樂和禮備候暖風春
恭惟降福實賴明神

南呂羽

韓休

於穆濬哲維清緝熙肅事昭配永言孝思滌濯靜嘉馨香在
茲神之聽之用受福釐

皇帝行用太和 黃鍾宮

王峻

於穆聖皇六葉重光太原刻頌后土疏揚寶鼎呈符啟雲孕祥禮
樂備矣降福穰穰

登歌奠玉帛用肅和 蕤賓均之夾鍾羽 崔玄同

率修嚴配展事禋宗祥符寶鼎禮備黃琮祝辭以信明德惟聰介
茲景福永永無窮

登俎用雍和 黃鍾均之南呂宮羽

賈曾

蠲我漸穡繁我管籥有且孔頌為羞既滅至誠無味精意惟芳
神其醉止欣欣樂康

酌獻飲福用壽和

禮物斯具樂章乃陳誰其夜主皇考聖真對越在天聖明佐神管
然汾上厚澤如春

送文舞出迎武舞入用舒和 太簇宮 何鸞

樂奏云闕札章載虔極宗于地昭嘏于天惟馨薦矣既醉歆焉
神之降福永永萬年

武舞用凱安 黃鍾均之林鍾徵 蔣挺

維歲之吉維辰之良聖君紘冕肅事壇場大禮已備大樂斯張神
其醉止降福無疆

送神用順和 源光裕

方丘既膳嘉饗載謚齋敬畢誠陶匏貴賡秀篋豐薦芳俎盈
實永永福流其昇如日

玄宗開元十二年禋社首山祭地祇樂章八首 賀知章
迎神用順和

至哉含柔德萬物資以生恒順稱厚載流謙通變盈聖心事能

察增廣陳厥誠黃祇優如在泰折俟成亨

皇帝行用太和

肅我成命於昭黃祇裘冕而祀陟降在斯五音克備八變聿施緝熙肆靖厥心匪離

登歌奠玉帛用肅和

黃祇是祗我其夙夜寅畏誠潔匪違寧舍禮以琮玉薦厥茅藉念茲降康胡寧克暇

迎俎用雍和

夙夜宥密不敢寧寧宴五齊既陳八音在縣采盛以繁房俎斯薦明德惟馨尚茲克禘

皇帝初獻用壽和

惟以明發有懷載殷樂坐而反禮順其裡立清以獻薦欲是親於穆不已哀對斯臻

皇帝飲福用福和

穆穆天子告成岱宗大裘如濡執珽有顛樂以平志禮以和容上帝臨我云胡肅筮

皇帝遠宮用太和

昭昭有唐天卑萬國列祖惟念命四宗順則申錫無疆宗我同德曾孫繼緒享神配極

送神用靈具醉 代順和

源乾曜

靈具醉香熙熙靈將往眇惻惻顧明德吐正辭爛遺光流禎祺

登太社樂章三首

魏徵 褚亮 虞世南等作

登歌奠玉帛用肅和

后土凝德神功叶契九域底平兩儀交際戊期應序陰墉展幣靈車少留俯設樽桂

迎俎用雍和

美報崇本嚴恭養事受露流壇永風啓地縈案登俎醇犧入饋介福遠流羣生畢遂

送文舞出迎武舞入用舒和

神道發生敷九稼陰陽秉仁暢八埏緯武經文陶景化登祥薦祉

啓豐年

享龍池樂章十首

姚崇

第一章

恭聞帝里生靈社應報明君鼎業新
既叶翠泉光寶命還符白水出真人
當時舜海潛龍躍此日堯河帶馬巡
獨有前池一小鴈叨承舊惠入天津

第二章

帝宅王家大道邊神馬潛龍涌聖泉
昔日昔時經此地看來看去漸成川
歌臺舞榭宜正月柳岸梅洲勝往年
莫疑波上春雲少祇為龍飛直上天

第三章

沈佺期

龍池躍龍龍已飛龍德出天天不違
池開天漢分皇道龍向天門入紫微
邸第樓臺多氣色君王見鴈有光輝
為報寰中百川水來朝上地莫東歸

第四章

代邸東南龍或躍泉清碧浪逐浮天樓
臺影就波中出日月光疑鏡裏懸
鴈沼迴流成舜海龜書薦祉應堯年
大川既濟慙為楫報德空思奉細涓

第五章

姜皎

龍池初此出龍山常經此地謁龍顏
日日芙蓉生夏水年年楊柳綠春灣
堯壇寶匣餘煙霧舜海漁舟尚往還
願以飄飄五色影從來從去九天閒

第六章

龍興白水漢興符聖主時乘運斗樞
岸上芊茸五花樹波中的際千金珠
捺環音聞迎夏啟發匣先來瑞有虞
風色雲光隨隱見赤雲神化象江湖

第七章

蘇頌

西京鳳邸躍龍泉佳氣休光鍾在天
軒后霧縠今已得秦王水劍昔常傳
恩魚不似昆明釣瑞鶴長如太液仙
願侍巡遊同舊里更聞蕭鼓濟樓船

第八章

李义

星分邑里四人居水府源流萬頃餘魏國君王秤象處晉家蕃邸
化龍初青蒲似騁遊梁馬綠藻疑游宴鴈魚自有神靈滋液地年
年雲物史官書

第九章

姜晞

靈沼縈迴邸第前浴日涵春寫曙天始見龍臺昇鳳闕應如霄
漢起神泉石匱清傍還啓聖桃李初生更有仙欲化帝圖從此受
正同河變一千年

第十章

乾坤啓聖吐龍泉泉水年年勝一年始有魚躍方成海即觀龍飛
利大天洲渚遙將銀漢接樓臺直與紫微連休氣榮光恒不散
懸知此地是神仙

享太廟樂章五首

玄宗至道大聖大明孝皇帝室奠獻用廣運之舞一章
郭子儀

於新皇祖昭明有融惟文之德惟武之功河海靜謐車書混同
虔恭孝鄉穆穆玄風

肅宗文明武德大聖大宣孝皇帝室奠獻用惟新之
舞一章 劉晏

漢運惟永神功中興風驅氛復天覆黎蒸三光再朗庶績其凝重
熙累葉景命是膺

代宗睿文孝武皇帝室奠獻用保大之舞一章
郭子儀

於穆文考聖神昭彰蕭勺群憇令晁遠方方物茂遂九夷賓王情
愔雲韶德音不忘

德宗神武孝文皇帝室奠獻用文明之舞一章
鄭絪

於穆時文受天明命允恭玄默化理定出震嗣德應乾傳聖
猗歟緝熙千億流慶

憲宗聖神章武孝皇帝室奠獻用象之舞一章

肅肅清廟登顯至德澤周八荒兵定四極生物咸遂群盜滅息
明聖繼承子孫千億

段文昌

儀坤廟樂章九首

迎神用永和 林鍾宮

徐彥伯

猗若清廟肅肅爰災國薦嚴嚴祀坤興淑靈有几在室有樂在庭
臨茲孝享百祿惟寧

皇帝行用太和 黃鍾宮

丘悅

孝哉我后冲乎炳聖道映重華德輝文命慕深視篋情敷撫鏡
萬國移風兆人承慶

酌獻登歌用肅和中呂均之大族 張齊賢

標圭既濯鬱鬯既陳圭幕雲舉黃流土醇儀充獻酌禮益衆
裡祀祭惟孝愉焉饗食親

迎俎用雍和 林鍾宮

薛稷

陽靈配德陰魄昭升堯壇鳳下漢室龍興視天作對前旌是化

行甫國道成西陵造并集灌無愆而稱我粢既潔我醴既澄陰陽
靈廟光靈聖德慈教惟鄉食孝思蒸蒸

昭成皇后室酌用坤貞

乾道既享坤元以貞肅雍心在輔佐斯成外睦九族內光一庭克
生敬哲祈我休明欽若徽猷愆哉淑靈建茲清宮于彼上京緇茅
以獻潔和惟馨實受其福期乎億齡

飲福酒用壽和 黃鍾宮

徐堅

於以清廟肅肅嚴祀合福受釐集介以繁祉

送文舞出迎武舞入用舒和

胡雄

送文迎武進參差一始一終光聖儀四海生人歌有慶千齡孝享
肅無虧

撤俎用雍和 蕤賓均之夾鍾

貞半千

孝享云畢維撤有章雲感玄羽風懷素商瞻望神座祇戀匪遑
禮終樂闋肅雍鏘鏘

送神 林鍾商

祝欽明

閔宮實實清廟微微降格無象馨香有依式昭纂慶方融嗣徽
明神是享神保聿歸

琴操十首

韓愈

將歸操

秋之水兮其色幽幽我將濟兮不得其由涉其淺兮石齧我足乘
其深兮龍入我舟我濟而悔兮將安歸乎歸乎無與石鬪兮无應
龍求

猗蘭操

猗猗揚揚其華不採而佩於蘭何傷今天之旋其甚焉為然我
行四方以日以年雪霜曾負其齊交之茂子如不傷我不爾觀齊
麥之茂薺交之有君子之揚君子之守

龜山操

龜之氣兮不能為雨龜之拊兮不中梁柱龜之大兮抵以奄魯知
將隳兮哀莫亨任周公之有鬼兮嗟歸予輔

越裳操

雨之施物以孳我何意於彼為自周之先其艱其勤以有疆宇私
我後人我祖在上四方在下厥臨孔威敢戲以侮孰荒于門孰治
于田四海既均越裳是臣

拘幽操

竊拊拊兮其疑其盲且肅肅兮聽不聞聲朝不日出兮夜不見月
與星有知無知兮為死為生嗚呼臣罪當誅兮天王聖明

岐山操

我幽于家自我先公伊我承序敢有不同今狄之人將土我疆民
為我戰誰使死傷彼岐有岨我往獨歎莫爾予追無思我悲

履霜操

父兮兒寒母兮兒飢兒罪當答豈兒何為兒在中野以宿以處四
無人聲誰與兒語兒寒何衣兒飢何食兒行于野履霜以足母生
衆兒有母憐之獨無母憐母寧不悲

雉朝飛操

雉之飛于朝日群雉孤雄意氣橫出當東而西當啄而飛隨飛隨

啄群雌粥粥嗒我雖人曾不如彼雉雞生身七十年無一妾與妃

雄鵠銜枝來雌鵠啄泥歸巢成不生子大義當乖離江漢水之大鵠身鳥之微更無相逢日且可相隨飛

殘形操

有獸維狸兮我夢得之其身孔明兮而頭不知吉凶何為兮覺坐而思坐咸上天兮識者其誰

文粹卷第十

文粹卷第十一

古諫二

摭四十六首

吳興姚

鉉

纂

楚騷

九諷

招寃

悼賈

皮日休

效古

江有楓一篇

菊榮五章

蕭穎士

有竹一篇

蕭穎士

蟬鳴五章

宋華

涼雨一篇

蕭穎士

虞獲子鹿一篇

韋應物

上古之什補亡訓傳十三章

顧况

悼徂我系一首

元和聖德詩一首

韓愈

鄆州谿堂詩一首

漢隄詩一首

盧肇

有所恨二章

水悠悠二章

韓愈

九諷系述并序

皮日休

昔在屈平既故作離騷經正詭俗而為九歌辨窮愁而為九章是後詞人據而為之皆所以嗜其麗詞揮其逸藻者也至若宋玉之九辨王褒之九懷劉向之九歎王逸之九思其為清怨素艷幽快古秀皆得芝蘭之芬芳鸞鳳之毛羽也然自原已降繼而作者

皆相去數百祀足知其文難述其辭罕繼者矣大凡有文人不擇
難易皆出於毫端者乃大作者也揚雄之文丘軻乎而有廣騷也
梁竦之辭班馬乎而有悼騷也又不知王逸奚罪其文不以二家
之述為離騷之兩派也昔者聖賢不偶命必著書以見志況斯文
之怨抑歎噫吾之道不為不明吾之命未為不偶而見志斯文者
吾懼來世任臣之君因訪而去賢持祿之士以猜而遠德故復嗣
數賢之作以九為數命之為九諷焉嗚呼百世之下復有修離騷
章句者乎則吾之文未過不為乎廣騷悼騷也

粵兮道之薄兮其風狡而且苦吾欲以直道據其邪心兮皆騁
容而莫顧前誨行兮後止高諭仰兮下俯咸為吾之儂為愚兮並
以吾之靈為僵羌靈寤之乃吾知兮先職我而為輔奈其臣之信
信兮及不知吾之所撫言欲以明詰之性辨君臣之分兮定文物
之數吾欲以正訐之道兮進忠賢而退姦豎吾欲以醇醲之化兮
反當今而為往古吾欲以忖度之志兮定觚圓而反規矩念儻
之在位兮若梟羊之當路內灼懼以如僕兮復何知其所趨乃指天
而鬱鬱兮將天奪乎國祐永怒怒以何言兮將求知其吾祖

正俗

有肪兮點而謂之不絜有泉兮壅而謂之不決有匪兮輶而謂之
不芳有軸兮輳而謂之不轍聲喧表唏以無音兮氣鬱指而空
咽既怒怒以增懼兮又設謾而漫不諫譏祖以為鴉兮謫殤子
以為孝夥眾人之難信兮擗夸者之不悅彼為瓠兮何去委奴為虎
兮莫副辯譁為響兮莫御謗為玉兮何切彘既臙而必烹兮木
六爻好兮必折心輶輶而似車兮思絲絲而如舛手欲動兮似
拳足將行兮如綫既不辨其顛跖兮遂一貫於堯桀吾哀生之不
遲兮奚至死而綴綴念帝座之不燼地兮故交光於卷舌既何
路以自辨兮遂沒齒而癘刺

遇謗

靳尚之言兮美如嬈子蘭之氣兮醲於醒既怒驟以相向兮遂
裹足而南征面摧摧以美色心燦燦兮何情耳方聰兮忽睽目正
視兮忽盲日當午兮便吳天方書兮不明欲泣兮有血將啼兮失

聲望靈脩兮似失出國門兮若驚軻識然兮亦緩駟知愁兮復鳴
既徜徉兮夏水復眷戀兮南荆嗟余夙秉於大訓兮涵清骨之忠
貞既質質者之莫予容兮向重君而自盟既憐憫南仁以憑義兮
遂孤信而規規誠將真宰之不仁兮明為役余以此生彼鸞斯
之有賊兮固不能容乎鶴鷄彼茨菉之叢穢兮固不能讓乎杜蘅
已矣乎國無人兮莫我留將訴帝于玉京

見逐

荷為稠如半兮艾為穠裨荃為楛据兮薜為禕頌吾棹兮漣漣之
浦駐吾楫兮湘之肩悲莫悲兮新去國怨莫怨兮新相思幽篁
箏聞兮靜晚清漪澹兮去逐湘君欲出兮風水急帝子不來兮煙雨
微茫既老兮白蘋角將暮兮紅菱朝浮乎鶻踈啼夕叫乎鷓
雉搗乳澆澆兮不止橫悠悠兮何之日出沒兮北渚雲依依兮
九疑既無人以辯余兮又何心而怨咨退不辭其恠上音兮
進不知其怙怙寒螿然而無算兮古木懷其寡枝嗟吾鬼之不服
兮千秋萬歲湘中馳

悲游

既天道之不明兮何獨生此大佞若豺豕豕之能冠兮當一目
而持柄見亂臣之反詐兮信其主以不競敵已覆而又遵兮仇誣
切將翻而不整不思心腹之疾兮又玩膏肓之病竟客死於咸陽
兮終不作毒王之幸既說胡以爲患兮遂倒針以授柄將
設臣以群禍兮豈上天之付命與吾大以爲不可兮彼以災而爲
慶儻靈均之鬼有知兮刷吾恥於下眼

憫邪

有美一人兮端憂千喑蔭萬慮兮曾不得以少休腸結多以吳
迴兮淚啼極而不流王孫何處兮碧草極目公子不來兮清湘滿
樓汀邊月色兮曉將曉浦上蘆花兮秋復秋天沉寥以似萍兮峯
巉岬以如抽簪當嶼兮兩岸杜若死兮霜洲遺余程兮灑之側整
余陌兮湘之望望文須髮兮秣歸夢懷宋玉兮荆門愁欲向天以號
咷兮才畧不可少留又不知吾魄所處兮求寔寔以悠悠

端憂

山之巔兮水之溪桂為祠兮蘭為祀執玉持兮扣雷鼓奠金盃兮
滴浮蟻薦瓊芳兮望暮雲獻椒醕兮拜寒水祝彤蠻以降談兮巫
妖冶而魅醉波閃慘兮湘君竹蕭疎兮帝子曰將暮兮河伯秋正
深兮山鬼神之化兮何方人之艱兮至此胡不化其邪而為正兮
胡不反其戾而為義胡不轉其亡而為興兮胡不易其亂而為治
但血食於下國兮罪不少禪於有位吾將乘青螭而駕白蚪兮謁
帝而訴神之累請天弘發鏃兮天指行箒神速悔尤兮俾吾靈脩
而日易志

紀祀

芳吾秉志兮繫於瑾瑜芬其德而粵其道兮榮於麋蕪將興國
以見罪兮觀佐王而蒙辜彼群小之苴苴兮如慕臭之鼈蟪以大
鵬為爵兮以康瓠為醜以衮衣為堞兮以黎丘為墟以鄭姬為醜
兮以子產為愚以鮑焦為公兮以孔聖為巫吾將奮麟於太空兮
奚獨慕此江湖吾將發策於蟠桃兮奚獨守此蒿蕪吾將蕩其颯
兮驟風軼與軋車謁帝於其宜之天兮秉其生殺之樞將翫一以
高逝兮亦何必懷此佞邪之故都

捨慕

堯死兮舜滅禹殄兮湯絕以玉兮將沈如金兮求沒行以仁兮止
以義生以貞兮死以繫念尔曾不足以蹈聖廟兮亦慕茲而自悅
湘浦兮煙深沉江兮風切顧影兮自憐撫躬兮求訣鬼慘兮神悲
兩泣兮泉咽竟汨沒以天淵淪兮求幽憂而佛鬱湘之山兮未盡湘
之流兮不竭千秋兮愁雲萬古兮明月靈均之冤兮孰能銷其氣
靈均之愁兮孰能釋其結來者之目鑒兮無致位於牙孽

劫系死

反招魂并序

皮日休

屈原作大招魂或曰景差作宋玉作招魂皮子以為忠放不如守
介而死奚招魂為故作反招魂一篇以辨之辭曰
承溟滓之命兮付余才而輔君君既不得乎志兮余飄飄而播遷
余蕩大空而就滅兮君又招余俾復身余詣帝以請訣兮帝俾巫
陽以筮去巫陽語余以不可歸兮故作詞以招君乃下招曰余君

兮歸來故都慎不可留些其君雄虺兮其民封狐些食民之肝鬪
以爲其肉兮摘民之髮膚以爲其衣些朝刀鋸而暮鼎鑊兮上曖
昧而下墨眉呆癡些君兮歸來故都慎不可留些余昔爲比干之
魄兮干僂而余去些未聞于貪生以自招兮余竟結其所處些君
兮歸來故都慎不可留些余昔爲伍胥之魄兮胥僂而余逝些未
聞胥貪位以惜生兮執屬鑊而不滯些君兮歸來故都慎不可留
些余昔爲弘演之魄兮演自殘而余行些余未聞演惜余以不死
兮俾其義而益明些君兮歸來故都慎不可留些帝命余以輔君
兮亦以君之忠介些今以忠而見聞兮尚盤桓而有待些將自富
貴而入羈旅兮其志乃悔些將戀骨肉而惜家族兮何不自裁些
梟食母而獍食父兮見命獸之爲生些苟必殘者眉壽兮實具梟
獍而同名些君乎慎勿懷故都之戀歸來乎余爲君存千古忠烈
之榮枯些

悼賈井序

皮日休

余嘗讀賈誼新書見其經濟之道真命世王佐之才也自此漢氏
華靡高祖得於矢石不暇延儒人又爲天子制缺度弛廢華而夷
是時獨有叔孫生能定朝儀其制未悉唯生草其書欲以制臣諸
侯推定正朔調革輿服通之於天不祐漢絳灌與謗竟枉其道
出得湖沅生自以不得志哀屈平之放逐及渡湘沈文以弔之故
其辭曰嗚呼九州而相君兮何必懷此故都噫余釋生之意矣當
戰國時屈平不用於荆則有齊趙秦魏矣何不捨荆而相他國乎
余謂平雖遭靳尚之蘭之讒不忍捨同姓之邦爲他國之相宜矣
然則生之見棄又甚於平當漢時捨文帝則諸侯矣如適諸侯則
新書之文抑諸侯而尊天子也捨諸侯則胡越矣則新書之文滅
胡越而崇中夏也是以其心切其憤深其詞隱而麗其深傷而雅
余悲生哀平之見棄又生不能自明其道嗚呼聖賢之文與道也
求知與用苟不在於一時而在於百世之後者乎其生之哀平歟
余之悲生歟吾之道也廢與用幸未可知但不知百世之後得其
文而存之者復何人也咸通癸未中南浮至沅湘復沈文以悼之
其辭曰

粵炎緒之媿餘兮其國度之未彰天錫生以命理兮冀其道之益
光偉吳公之知取具兮道其名於文皇既轉刃啟軫以召之兮遂位
之於上庠愍耄儒之意愚兮對天問之不臧既群儒之讓後兮馳
其譽之煌煌嗟大漢之不緒兮料其賢於汗漢上下溷而不分兮
議制削於竊王殺僂莽而不制兮斷梓胡與寇攘美虜兮以侵華
兮曾不能以抑強餌其嗜之延延兮寔三代之計良念五德之更
承兮論禮結而不綱乃秉臆以興說兮數用五而色尚黃又諸侯
以開國兮輸其租於咸陽曾不得以撫民兮俾其君兮何忘謂紆
網以乘印兮各馳心於所疆上既悅而欲大用兮遭逢維灌與東陽
道既擯兮何明乃出傳於沅湘浮沅波之翕沓兮或漾掉以夷猶
望靈均之沒所兮顛顛其心之怛怛歎臨汨羅之浩漾兮想懷沙
之幽憂森穆穆以翁穆兮時進次以相號霧雨暗乎此若蟻蝨
毒乎芳洲景黯沮以不明兮君天悼乎離騷香依依兮杜若韻酸
淒兮蘼蕪芳山隱隱以掃穴兮理微微而淡秋羌吾不知所感兮淚
廣恨以橫流當拘繫於滄溟兮曾無足以少休既交託以傷思兮
又鶴鶴以動愁嗚呼哀哉出既不平願吾道以為非兮吾復何依
嶺蘭惟悴兮根芳繁滋麟鳳匿迹兮集鏡騰威哲匠罷斧兮拙
者構之離婁閉目兮警者坦眉子都蒙袂兮敢治騁姿嗚呼哀哉
亦先生之尤也昭夫史其世之不可兮何不解而去位又垂萬世之
名取捨在此奚自謗於童叟方乃間然而為累蓋伊尹三就五就
之心兮異其民之可冷奈惜惜以不悟兮又被之以非議幸一人
之再覺兮益受格之與義既辱王以墮駕兮乃究勸而已矣詎曰
吾不明兮莫我知幽都寂兮和味歸文懸日月兮俟後聖用之大
故忽兮其何足悲

江有楓 篇十章 并序

蕭穎士

江有楓思陸鄭二友吳會舊遊且疾讓也君宦于尹府以直方不
偶見保護後惟古之賢者有避色避言之義矯然去之二室之間
有撼樹焉與江南楓形有類頽於其下而作是詩以貽天三子焉
江有楓其葉蒙蒙我友自東予以遊從山有撼其葉漠漠我友
徂北予以休自心想彼撼矣亦類其楓矧伊懷人而忘于東東可遊

矣會之立矣于山于水于廟于寺于亭于里君子遊焉于以宴喜
其樂豐豐焉東可居彼矣之墟有田有庭有朋有書有尊有魚
君子居焉惟以宴酌其樂徐徐我朋在矣彼陸之子彼陸之子如松
如杞淑問不已我友于征彼鄭之子子如瑋如瑋如瑋如瑋如瑋如瑋
我思震澤菱花幕幕寤寐如觀我思刻鉛杉篠羨羨寤寐無
迷有鳥有鳥粵鷗與鷗浮游戲渚皓然繁素忘其猜妬彼何人
斯曾足傷醒此懼維何懼寔于維彼驕者子子言孔多我聞先
師體命委和公伯之愬則如子何恨然山河惟以肅歌其憂也哉

菊榮 一篇五章 并序

蕭穎士

菊榮酬贈離且申志也又寓大邑賢宰宋侯惠而好予賦鳴蟬以
況別有懷相規備厥卒早于以報焉

采采者菊芬其榮斯宋黃粵粵照灼丹墀愷悌君子佩服攸宜
王國是維大君是毗宋貞公子出也貽爾子孫百祿萃之

采采者菊于邑之城舊報新宋布葉善英彼美淑人應家之禎有
絃既鳴我政則平宋貞爾宋德宋公宋復其慶

采采者菊于邦之府陰槐駉柳近搆近宇彼勞者子唯甲是宋與
其莫知蘊結誰語人宋彼高宋人宋色宋斯宋遐宋舉

采采者菊于賓之館既低其枝又弱其餘有匪君子是焉披宋翫宋良
辰口酒宴飲無筭愴其此別終終然亦歎

歲方晏矣霜露殘促誰其榮斯有英者菊豈微春華懿此貞色人
之侮我混于新棘詩人宋有言宋好是宋正直

有竹 一篇七章 并序

蕭穎士

有竹諫李新後宋而宋讌宋親宋友宋也

有竹斯竿于閣之前君子秉心惟其貞堅宋有宋竿宋斯宋竹宋于宋閣宋之宋側
君子秉操惟其正直宋兮宋彼宋蔚宋者宋竹宋蕭宋其宋森宋矣宋有宋開宋者宋閣宋死宋其宋深宋矣

迴簷幽砌如翼如齒冬之宵霰散雪斯灑我有金鑪煴其以宋歌宋夏宋之
日炎景斯鬱我有珍簟淩其以宋栗宋彼宋紛宋者宋務宋休宋其宋豫宋矣宋有宋言宋者宋酒

歡其且矣友僚萃上宋謁宋萼宋載宋鞞宋彼宋美宋公宋之宋姓宋兮宋那宋歟宋應宋積宋慶宋兮宋期
子惟去之柄兮

蟬鳴 一篇五章 并序

宋華

蟬鳴感秋興送將歸也僻守外邑而蘭陵子相過詰朝言歸賦詩見志以申贈焉

蟬其鳴矣于彼踈桐庇影容跡何往不容豐豐其長亦託于風未見君子我心忡忡既見君子樂且有融

彼蟬鳴矣于林之表含風飲露以樂五音道有懷載遷伊誰在保未見君子我心悄悄既見君子彼豁予抱

蟬鳴蟬鳴幽暢乎而蕭蕭爾庭遠近涼颼言赴高柳叢葢皇間之思而不見如渴如飢亦既覩止我心則夷

蟬鳴伊何時運未與匪歎秋祖怨斯路阻願言莫從懋懋誰語君子至止慰我延佇何斯違斯修爾遐舉

歲之秋深蟬其夕吟披衣軒除蕭蕭風林我友來斯言告離袪何以叙懷臨水鳴琴何以贈言委順浮沉

涼雨一章并序

蕭穎士

涼雨志揚侯樂賓僚也

習習涼雨泠泠淅淅君子樂胥于其賓僚有女斯天式歌且諧

言終宵惟以招邀于宵樂兮

虞獲子鹿一篇并序

韋應物

虞獲子鹿閬園鹿也遭虞之機張見畜於人不得遂其天性焉

虞獲子鹿畜之城陬園有美草池有清流但見蹙蹙亦聞呦呦誰知其思巖谷之游

上古之行補亡訓傳上二章

顧況

上古勉農也

遐哉上古生棄與柱勾龍氏主乃有甫田惟彼甫田有萬斯年開

利之源無乃塞源一厘亦官百厘亦官嗇夫孔艱浸兮曠兮申有

益強兮惟馨祀是惠豈止饑與寒嗇夫咨咨穡盛苗衰耕之耨之穰

禩鋤犁手胼足胼水之蛭蟻吮喋我肌我姑自思胡不奮飛東人

上古之什一章

左車憑險也

震為雷兄長之左東方之師也憑險不已君子憂心而作是詩也

左車有慶萬人猶病焉可去之于黨孔盛歟爾之生胡為波迸
左車有赫萬人毒螫焉可去之于黨孔碩敏爾之生胡為草戚

左車二章

築城刺臨戎也寺人臨戎以奠壙為城壁

築城登登于以作固宮爾寺兮發郊外家墓死而無知猶或不可
若其有知惟上帝是愬

築城亦亦于以固敵咨爾寺兮發郊外家甍死而無知猶或不可
其具有知惟上帝是謫

築城二章

持斧啓戎士也戎士伐松柏為蒸薪孝子徘徊而作是詩
持斧持斧無翦我松柏兮

持斧一章

十月之郊造公室也君子居公室當思布德行化焉

十月之郊群木肇生陽潛地中舒達勾萌墮其蔚兮不可以滋
乃燎蒸藜乃夷荆棘乃繇彼曲直匠氏度思登斧以時澤梁蒸藜

無或天枝有巨根生混茫際呼吸群籟萬人揮斤坎坎有厲陸

遷水濟百力殫弊穿方回勢姑博其製作為公室公室既成禦燥

濕凡日棟之斯厚椽之斯密如翼于飛如鱗猶比繇以周墉城以

崇階俯而望之轟雷震齊礪砥砥泐深井旋題丹素之煥兮板桂

之韻兮高閣高閣珠璣結絡金鋪爛若不散于鳥雀繪事告畢賓

筵秩秩乃命旨酒琴瑟在室莫不靜謐周環掩關仰不漏曰

冬日嚴凝言納其陽和載其真音鬱然言用于陰涼風岷興有

匪君子自皇也乃夢乘舟乃夢乘車也占之更爽其居炎炎則

移皎皎則腐木實之也明年息枝爰慶若思胡寧不爾思

十月之郊一章

燕于巢審日辰也燕不以甲乙泥

燕燕于巢綴葺維戊甲兮乙兮不宜有謬飛龍在天雲掩于斗曷

日于雨乃曰庚午彼日之差亦孔斯醜昔在義和洒淫不修我箴

我龜莫我告繇繇迺征之彝倫九疇君子授律是禡是禴三五不

備罔克攸遂慮此蒸人毋爾爾事爾莫我從維來者是莫

燕于巢一章

蘇方諷商胡舶舟運蘇方歲發發南林邑至齊國立盡
蘇方之赤在胡之舶其利乃博我土曠兮我居闕兮我木不自兮
朱紫爛兮傳瑞暉兮相唐虞之維百兮

蘇方一章

陵霜之華傷不實也

陵霜之華我心憂嗟陰之勝矣而陽不加輿陶鈞乃帝乃神乃
舒乃屯烈烈秋熙熙陽春職生有倫今華發非其辰辰屬東方
之仁遐想三五黃帝登雲堯年百餘一儀分位六氣不渝二景如
壁五星如珠陵霜之華兮何不妄敷

陵霜之華一章

困哀閔也

困音美是閔俗呼子
為困父為郎罷

困生閩方閩吏得之乃紀其陽為滅為獲致金蒲至為琬為鉗如
視草木天道無知我罹毒神道無知彼受其福郎罷別困吾悔
生汝及汝既生人勸不卒不從人言果獲是苦困別郎罷心摧血
下隔地絕天及至黃泉不得在郎罷前

困一章

我行自東不違居也

我行自東山海其空旅棘有叢我行自西壘與雲齊雨雪凄凄我
行自南烈火蒲林日中無禽霧雨淫淫我行自北燭龍冥色何枉
不直我莫京京何道不行兮

我行自東一章

採蠟怨奢也其巖之間有以蠟蒙其身罾藤造險及有群蜂肆
毒哀呼不應則上捨藤而下沈壑

採採者蠟于泉谷兮煌煌中堂烈華燭兮新歌善舞絃柱促兮
荒巖之人自取其毒兮

採蠟一章

倬彼我系一首

王勃兄勵序

倬彼我系台第號州參軍勃所作也傷迫乎家貧道未成而受祿
不得如古之君子四十強而仕也故本其情性源其事業因陳先

人之迹以議出處致天爵之艱難也

倬彼我系出自有周公疆錫社派別枝流居衛仕宋臣臚相劉迺武迺文或公或侯

晉晉崩并衣冠擾弊粵自太原播徂江蒞禮喪賢隱時屯道閉王室如毀生人多殪

伊我有器思逢其主自東旋西擇木開宇由彼河曲家乎汾浦天未厭亂吾將誰輔

伊我祖德思濟九變不常歟所于茲五遷欲及時也天豈賴焉其位雖屈其言則傳

爰述帝制大蒐王宮曰天曰人是祖是考禮樂咸若詩書其草貽厥孫謀永為家寶

伊余小子信慙明哲彼網有條彼車有轍思屏人事克終前烈于嗟代網卒余來綬

來綬伊何謂余白仕我躋先達三千方起夫豈不懷高山仰止願言旒德罔效飲水

有鳥反哺其聲嗷嗷言念舊德憂心忉忉今我不養歲月其滔懶俛從役豈敢告勞

從役伊何溥求卑位告勞伊何來參卿事名存實爽負信愆義靜言遐思中心是愧

元和聖德詩一首 并序

韓愈

臣愈頓首再拜言曰臣伏見皇帝陛下即位以來誅流女效臣朝廷

清明無有欺蔽外斬楊惠琳劉闢以收夏蜀東定青徐積年之叛

海內怖駭不敢逆越郊天告廟神靈歡喜風雨明晦無不從順太

平之期適當今日臣蒙被恩澤日與群臣序高宗宸殿下親望穆

穆之光而其職業又在以經籍教導國子誠宜率先作歌詩以稱

尊盛德不可以詞語淺薄不足以自效為懈輒依古作四言元和

聖德詩一篇凡十有二十四字指事實錄具載明天子文武神聖

以驚動百姓耳目傳示無極其詩曰

皇帝即祚物無違拒曰陽而陽曰雨而雨維是元年有盜在夏欲

覆其州以踵近武皇帝曰嘻豈不在我負鄙為艱縱則不可出師

征之其眾十旅軍其城下告以福禍腹敗枝披不敢保聚擲首降
外降幡夜豎疆外之險莫過蜀土韋皇去鎮劉關守後血入于牙
不肯吐口開庫哨士曰隋所取汝張汝弓汝伐汝鼓汝為表書求
我師汝事始上聞在列咸怒皇帝曰然嗟遠士有苟附而安則且
付與瀆命于庭出節少府朝發京師夕至其部關喜謂黨汝振而
伍蜀可全有此不富受萬牛鬻肉萬鎊行酒以錦纏股以紅怕首
有惟其剋有餌其誘其出穰穰隊以首數遂劫東川遂據城阻皇
帝曰嗟其又可許爰命崇文分卒禁禦有安其驅無暴我野日行
三十一徐壁其右關真聚謀鹿頭是守崇文奉詔進退規矩戰不貪
殺擒不藍縷四方節度整兵頓馬上章乞討俟命起坐皇帝曰嘉
無汝煩苦荆并泊梁在國門戶出師三千各選爾醜四軍齊作殺
其如阜或披其角或脫其距長驅洋洋無有阻礙八月壬午關奔
城走載妻與妾包裹雜乳是日崇文入處其宇分散逐捕搜原剔
戮關窮見窘無地自處俯視大江不見洲渚遂自顛倒若杆投白
取之江中枷拒械手婦女累纒啼哭拜叩交獻闕下以告廟社

示城市咸使觀覩解脫攀索夾以砧斧婉婉弱子亦立偃僕牽頭
曳足先斷腰脅次及其徒體骸堆末乃取關骸汗如寫揮刀紛
紘爭切贈脯優賞將吏折珪綴組帛堆其家粟塞倉庾哀隣陣歿
廩給孤寡贈官封墓周而宏溥經戰伐也寬免租溥施分酬功急
疾如火天地中閃莫不順序幽恒青魏東盡海浦南至徐蔡區外
雜虜恒威赫德跋踏踰舞掉奔兵革私看篋篋來請來觀千百
其耦皇帝曰吁伯父叔舅各安爾位訓朕昨晦正月元日初見宗
袒躬執百禮登降拜俯薦鄉良新宮視瞻梁柱威見容色淚落入俎
侍祠之臣助我側楚乃以上辛於郊用牡除于國南鱗笱毛簋
廬幕周施開揭石何獸肩騰笏手圓擅帖受天兵四羅旂常婀娜
龍十一魚魚雅雅青昇干兵奠璧獻畢眾樂驚作轟轟駘駘洽紫
焰噓呵高靈下墮群星從坐錯落後咳日君月妃煥赫媿媿瀆鬼
濛鴻嶽祇嶻峨飮沃羶鄉產祥降嘏鳳皇雁奏舒翼自拊赤麟
黃龍積陀結糾卿士庶人黃童白叟踊躍歎呀失喜噎歐乾清坤
夷境落塞壘帝車迴來日正當午幸丹鳳門大赦天下滌濯刻磬

磨滅瑕垢續功臣嗣接賢任者孩養無告仁涉施厚皇帝神聖通
達今古聽聰視明一似堯禹生知法式動得理所天錫皇帝為天
下主并包畜養無異細鉅億載萬年敢有違者皇帝勤儉盥濯陶
瓦斥遣浮華好此締紵勅成四方後則有冬天錫皇帝多麥與黍
無召水旱耗于雀鼠億載萬年富存貧饗皇帝正直別白善否擅
命而狂既前既去盡逐群姦非有遺侶天錫皇帝處臣碩輔博問
遐觀以置左右億載萬年無敢予海皇帝天孝慈祥弟友怡怡愉
愉奉太皇后決于族親濡及九有天錫皇帝與天齊壽登茲太平
無怠永久億載萬年為父為母博士臣愈職是訓詁作為敬詩以
配吉甫

鄆州谿堂詩一章 并序

韓愈

憲宗之十四年始定東平三分其地以并州刺史禮部尚書兼御
史大夫扶風馬公為鄆曹濮節度觀察等使鎮其地既一年喪
其軍號曰天平軍上即位之二年召公入且將用之以彼之人安
於公也復歸之鎮上之二年公為政於鄆曹濮也適四年矣

制定衆志大固惡絕於心仁形於色以公力以供國家之職于時
沂密始分而殘其帥其後幽鎮魏不悅于政相扇繼變復歸於
舊徐亦乘勢逐帥自署同於三方惟鄆也截然中居四鄰望之若
防之制水恃以無恐然而皆曰鄆為虜巢且六十年將強卒武曹
濮於鄆州大而近軍所及皆驕以易然而公承死亡之後撥拾
之餘剝膚推髓公私均地亦立新舊不相保持萬目睽睽公於此
時能安以治之其功為大若幽鎮魏徐之亂不扇而變此功反小
何也公之始至衆未熟化以武則忿以恩則橫而肆一以為赤子
一以為龍蛇備心罷精磨以歲月然後致之難也及教之行衆皆
戴公為親父母六叛父母從仇讎非人之情故曰易於是天子以
為尚書右僕射扶風郡開國伯以褒嘉之公亦樂衆之和知人之
悅而侈上之賜也於是為堂於其居之西北隅號曰谿堂以饗士
大夫通上下之志既饗其從事陳曾謂其衆言公之畜此邦其勤
不亦至乎此邦之人纍公之化惟所令之不亦順乎上勤下順遂
濟登茲不亦休乎昔者人謂斯何今者人謂斯何雖然斯堂之作

意其有謂而暗無詩歌是不考引公德而接邦人於道也乃使來請其詩曰

帝奠九壘有葉有年有荒有條河岱之間及我憲考一牧正之視邦選侯以公來尸公來尸之人始未信公不飲食以訓以狗孰飢無食孰呻孰嘆孰冤不問不得分願孰為邦蠹節報之填羊很狼貪以口覆城吹之响之靡之之簾之石之膊而磔之凡公四封既富以強謂公吾父孰違公令可以師征不寧守邦公作谿堂播檣流水淺有檣道深有兼葦公以賓燕其鼓駭駭公燕谿堂賓校醉飽流有跳魚岸有集鳥既歌以舞其鼓考考公在谿堂公御琴瑟公暨賓贊稽顙頌律施用不差人用不屈谿有賓燕有龜有魚公在中流右詩左書無我數遺此邦是麻

漢隄詩一首并序

盧啟華

上元年秋漢水大溢齧襄隄以入既沉漢郭遂滅岷趾棟棟且流厭滿無筭其憂之城僅以門免三日水去陷為大塗餘民棲于楚山號不敢下餒躓相挽其能者者什六七上大憂曰襄隄東南實阻

荆海若氣不息吾躬曷瘳今天下之天下災于有漢庭垣盡滌黃陂在淖有嬰墜并毋實號之今襄臣盡墜吾號尚及哉咨乃卿十疇能振之以易吾乳減以地官范陽公舊理南粵鳥糞率化甘于民心俾踐于襄必克底又上俞以往公既至省漢之溺由舊防之不固幾五十載又詢之漢水之不犯襄郭惟是其災既魚士庶災或能嗣孰以遏之寡民新漢之隄食敵其功資三其食因故隄之址廣倍之高再倍之距襄之郊繚半百里明年春隄成公具以疏上大歡復襄之疲又一犯賑穀十萬斛民既保寧謳歌怡愉既而舒蘇不知襄之災也昔狄敗衛侯于熒澤齊桓公之德今公之為是隄也襄有衛人之心焉而况宣天子之慈以生厥民曷齊桓之尚哉噫五材之生沴也必極于物物之既極天必資明哲以蘇之理之常也古之人有力保一邑勇禦一寇謂之有功尚以金石載之况捍大災救大患其美若是豈得無稱焉是宜以聲詩播之登于樂府惟漢亦有弘子之歌是可類之謹按正考甫作商詩公子奚斯命太史克請于周作魯詩皆其國之公族也肇於公為族孫

幸力於文所不宜默惟峴之碑曰羊公惟隄之詩曰盧公是古今之相光昭也其誰曰不然詩曰

陰沴好陽來暴于襄洎入大郭波端若鉗觸厚摧高不知其防駭

潰顛委萬室自毀竈登蛟羸堂集鱸鮪惟恩若離母不能子洪

潰既涸開闕其虛已墮我諸以剝我盧酸傷顧望若踐丘墟帝曰

念嗟朕曰南顧流災降厯天曷台怒滔滔襄郊挫我嬰孺於惟

餘毗飢傷喘呼火故斯為淫痍孰往膏傳惟汝元察僉舉明哲我

公用諧苴茅杖即來視襄人燠於大休然提挈不日不月哈乎

抃悅乃詠故隄陷于沙泥缺落坳圯由東訖西公曰嗚呼漢之有

隄實命之命襄人不力乃力則及乃身具鏃與奮漢隄其新帝

廩有粟帝府有緡爾成爾隄必錫爾勤襄人怡怡聽命襄滸背

囊肩杵奔走蹈舞分之卒伍令以麾鼓尋尺既度日月可數登登

業業固旋上下披峴斷楚楚峴二山在襄南飛石輓十舉策殷雷駭汗霏

兩疲瘵鰥獨奮有筋脊呀呀來助提筐負宮不勞其勞雜水晏語

咸曰盧公來賜我生斯隄既成蜿蜿而平確爾山固屹如雲橫漢

流雖狂堅不可蝕代千年億與天無極惟公之隄昔在人心既築

既成橫之于南萌渚不峻此門不深今復在茲于漢之陰斯隄已

崇茲民獲祐觀童相慶室以完富貽于襄人願保厥壽厥公之功

赫焉如書捍此巨災崕若京阜天子錫之百姓載之族孫作詩昭

示厥後

有所恨二寺并序

歐陽詹

有所恨由故人馬紳死而興也予待試京師六年與馬生相知者

四秋性與情相合也衣與食相同也予及第歸觀故園自來無

憶不至於襟懷無想不至於姿容願一促膝恣如也昨既至止馬

生且疾巫者忌以見人曰不見即愈見即害遂忍即見庶以求見

忍者五日馬生亡噫故人也昔越萬里猶求見焉感乎一言蔽

乎一垣而死生以之死生之道千秋之離也五日之面半旬之歡

也尚可半旬之歡不就而卒甘千秋之離一恨也又與生別慘執

都門主脫紫羅半臂曰即日相去秦吳聊以為憶予貧也妻之衣

服不暇藏篋笥懸在身二年間同弊帛以弁所以新而輕者故

而不留者予實集衰馬其方少爾斯日日相與也所留何止在茲乎今久既往所贈又造次而亡之二恨也申一恨為有所恨三章云我思君子吁嗟萬里亦既至上焉不觀止本不信巫而巫言是殞復在門五日如待之死有所恨兮我思遺衣為憶以貽亦既受持曷不保持本不欺友而友情是違隔生之贈造次亡之有所恨兮

水悠悠寄姪老成也

韓愈

河之水去悠悠我不如水東流我有孤姪在海陬三年不見兮使我生憂日復日夜復夜三年不見汝使我鬢髮未老而先化河之水悠悠去我不如水東注我有孤姪在海浦三年不見兮使我心苦采蘋于山繡魚于泉我祖京師不遠其還

水悠悠三章

文粹卷第十一

文粹卷第十一

古調三

樂府辭上檢八十六首

吳興姚

鉉

纂

七德舞

白居易

湘絃怨

孟郊

箜篌引

王昌齡

箜篌謠

李白

放歌行

王昌齡

浩歌行

白居易

緩歌行

李頎

短歌行

李白

短歌行

張籍

善哉行

釋貫休

祖龍行

韋楚老

鄴都引

張說

永嘉行

張籍

後魏行

王穀

湘妃怨

陳羽

銅雀臺歌

劉長卿

銅雀妓

歐陽詹

魏宮詞

崔國輔

王昭君歌

劉長卿

王昭君

盧照鄰

婕妤怨

王維

長信宮

崔國輔

怨詞

崔國輔

苦樂相倚曲

元稹

妾薄命

李白

白頭吟

張籍

烈女操

孟郊

節婦吟寄東平李司空

張籍

織女詞

元稹

靜女詞

孟郊

寄衣曲

張籍

白紵歌

張籍

貞節

然恨 征婦怨 張籍 春思 李白 春別曲 張籍

古樂府雜怨 孟郊 長干行 李白 古薄命妾 孟郊

母別子 白居易 夜夜曲 釋貫休 行路難 李白

蜀道難 李白 行路難 張籍 行路難 李白

變行路難 王昌齡 太行路 白居易 梁甫吟 李白

走馬引 李賀 孟門行 崔顥 沐浴子 李白

將軍行 劉希夷 將軍行 張籍 霍將軍 崔顥

老將行 王維 鴈門太守行 李賀

從軍行 劉長卿 塞上曲 戎昱 塞下曲 郎士元

古塞曲 王季友 出塞曲 劉灣 燕歌行 高適

燕支行 王維 隴頭吟 王維 陰山道 白居易

胡無人 李白 飲馬長城窟 釋子蘭

關山月 張籍 古長城吟 王翰 長城作 鮑溶

古築城曲 元稹 築城詞 張籍 築城詞 陸龜蒙

聽董大彈胡笳聲兼語弄寄房給事 李益

七德舞

白居易

七德舞七德歌傳自武德至元和元和小臣白居易觀舞聽歌知

樂意曲終稽首陳其事太宗十八舉義兵白旄黃鉞定兩京擒充

戮竇四海清二丁有四功業成二十有九即帝位三十有五致太

平功成理定何神速速在推心致人腹亡卒遺骸散帛收

丁陣亡者致祭而瘞之飢人賣子分金贖貞觀二年大亂人有賣男女者

少魏徵夢見天子泣魏徵疾亟太宗夢與徵別既寤流涕是夕徵卒故

後張謹哀聞辰日哭張公謹卒太宗為之舉哀有司奏曰陰陽所忌辰日

日乃怨女三千放出宮太宗嘗謂侍臣曰婦人幽閉深宮情實可憐今將

於掖庭揀出數千盡放歸也死囚四百來歸獄貞觀六年親錄囚徒死罪者三百九十

至遂詔前羽林燒藥賜功臣李勣嗚咽思殺身李勣疾亟醫云得龍鬚

愈勣叩頭泣涕而謝含血吮瘡撫戰士思摩奮呼乞效死李思摩嘗

親為之則知不獨善戰善乘時以心感人人人心歸爾來一百九十

載天下至今歌舞之歌七德舞七德聖人有作垂無極豈徒耀神

武豈徒誇聖文太宗意在陳王業王業艱難示子孫

相絃怨

孟郊

昧者治春草蕭蕭同
一鋤自感怨秋林
曲直同一枯嘉禾
忌深蠹直人悲巧
誣靈均入迴流
斬尚為良謨願我
分衆泉清濁各有
渠願我分衆巢鳥
相遠居此志諒難
保此意誠何如

筇篻引

王昌齡

盧谿郡南夜泊舟
夜聞南岸羌戎謳
其時月黑猿啾啾
微雨霑衣令人愁
有一遷客登高樓
不言不寐彈筇篻
彈作薊門桑葉秋
風沙颯颯青塚頭
將軍鐵驄汗血流
深入匈奴戰未休
黃旗一點兵馬收
亂殺胡人積如丘
瘡病驅來配邊州
仍披漠北羊羔裘
顏色飢枯掩面羞
眼眶滴淚深兩眸
還思本鄉食糞牛
欲語不得拍咽喉
或有強壯能咿嘍
意說被他邊將離
五世屬蕃漢主留
碧毛氈帳河曲遊
橐駝五萬部落稠
勅賜飛鳳金兜鍪
為君百戰如過籌
靜掃陰山無鳥投
家藏鐵券特承優
黃金千斤不稱求
九族分離作楚囚
深谿寂寞絃苦幽
草木悲感聲颼颼
僕本山東為國憂
明光殿前論九疇
麗讀兵書盡真搜
為君掌上施權謀
洞曉山川無與傳
紫宸發詔遠懷柔
搖筆飛箱如奪鉤
鬼神不得知其由
憐蒼生比虻蜂緣
河屯兵須漸地盡
遣降來拜御溝
便公海內休戈矛
何用班超定遠侯
史臣書之得已不

筇篻謠

李白

攀天莫登龍走山
莫騎虎貴賤結交
心不移唯有嚴陵
與光武周公稱大
聖管蔡寧相容漢
謠一斗粟不與淮
南春兄弟尚路人
吾心安所從他人
方寸間山海幾千
重輕言託朋友對
面九疑峯多花必
早落桃李不如松
管鮑久已死何人
繼其蹤

放歌行

王昌齡

南渡洛陽津西望
十二樓明堂坐天
子月朔朝諸侯清
樂動千門皇風被
九州慶雲從東來
決滂抱日流昇平
貴論道文墨將何
求有詔徵草澤微
誠獻謀猷冠冕如
星羅拜揖曹與周
望塵非君事入賦
且遲留幸蒙國士
識因脫負薪裘今
者放歌行以慰梁
甫愁但榮數斗祿
奉養每豐羞若得
金膏遂飛雲亦可
求

浩歌行

白居易

天長地久無終畢昨夜今朝又明日鬢髮蒼浪牙齒疎不覺身年
四十七前去五十有幾年把鏡照面心茫然既無長繩繫白日又
無大藥駐朱顏朱顏日夜不如故青史功名在何處欲留年少待
富貴富貴不來年少去去復去兮如長河東流赴海無迴波買愚
貴賤同歸盡北邙塚墓高嵯峨古來如此非獨我未死有酒且高
歌顏回短命伯夷餓我今所得亦已多功名富貴須待命命苟未
來知柰何

緩歌行

李頎

小來託身攀貴遊傾財破產無所憂暮擬經過石渠署朝將出入
銅龍樓結交杜陵輕薄子謂言可生復可死一沉一浮曾有時弃
我翻然如脫屣男兒立身須自強十年閉戶穎水陽業就功成且
明主擊鍾鼎食坐華堂二八蛾眉梳墮馬美酒清歌曲房下文昌
宮中賜錦衣長安陌上退朝歸五陵賓從莫敢視三省官寮誰若
稀早知今日讀書是悔作從來狂俠兒

短歌行

李白

白日何短短百年苦易滿蒼穹浩茫茫萬劫太極長麻姑垂兩鬢
一半已成霜天台元玉女大筵憶千場吾欲攬六龍迴車挂扶桑
北斗酌美酒勸龍各一觴富貴非所願為人駐顏光

短歌行

張籍

青天蕩蕩高且虛上有白日無根株流光暫出還入地使我少年
不須更與君相逢勿定冀衰老不復如今樂玉卮盛酒置君前再
拜願君千萬年

善哉行

釋貫休

有美一人兮婉如青陽識曲別音兮令姿煌煌繡袂捧琴兮登君
子堂如彼萱草兮使我憂忘欲贈之以紫玉尺白銀璫久不見之
兮湘水茫茫

祖龍行

韋楚老

黑雲兵氣射天裂壯士朝眠夢寃結祖龍一夜死沙丘胡亥空隳
鮑魚轍腐肉偷生二千里偽書先賜扶蘇死墓接驪山土未乾瑞
光已向芒碭起陳勝城中鼓三下秦家天地如崩瓦龍蛇撩亂入

咸陽少帝空隨漢家馬

蘇者引

張說

君不見魏武草創爭夫祿群雄睚眦相馳逐
晝攜仁士破堅陣夜接詞人賦華屋
都邑繚繞西山陽桑榆漫漫漳河曲
城郭為墟人改代但見西園明月在
鄴傍高塚多貴臣蛾眉曼睩共交塵
試上銅臺歌舞處唯有秋風愁殺人

永嘉行

張籍

黃頭鮮卑入洛陽胡兒持戟昇明堂
晉家天子作降虜公卿齊走如牛羊
紫陌旌旗暗相觸家家雞犬驚
上屋婦人出門隨亂兵夫死眼前不敢哭
九州諸侯自曠土無人領兵來護主
北人避胡多在南南人至今能晉語

後魏行

王叡

力微皇帝謗天嗣太武凶殘人所畏
一朝韜撻飛上天子孫盡作河魚餌

湘妃怨

陳羽

二妃怨處雲沉沉二妃怨處湘江深
商人酒滴廟前草蕭颯風生斑竹林

銅雀臺歌

劉長卿

嬌愛更何日高臺空數層含啼映雙袖
不忍看西陵漳河東流無復來
百花輦路唯蒼苔青樓月夜長寂寞
碧雲日暮空徘徊君不見鄴中萬事非
昔時古人何在
今人非春風不逐君王去
草色年年舊宮路
宮中歌舞已浮雲
空指行人往來處

銅雀妓

歐陽詹

蕭條登古臺回首黃金屋
落葉不歸林高陵永為谷
粧容徒自麗舞態閱誰目
惆悵總惟前歌聲苦於哭

魏宮詞

崔國輔

朝日點紅粧擬上銅雀臺
畫眉猶未竟魏帝使人催

王昭君歌

劉長卿

自矜妖豔色不顧丹青人
那知粉黛能相負却使容華翻誤身上
馬辭君嫁驕虜玉顏對人啼不語
北風厲急浮雲秋萬里獨見黃

河流織罽不復漢宮寵雙蛾長向胡天愁琵琶絃中苦調多蕭蕭
羌笛聲相和誰憐一曲傳樂府能使千秋傷綺羅

王昭君

盧照鄰

合殿恩中絕交河使漸稀肝腸辭玉輦形影向金徽漢宮草應綠
胡庭沙正飛願逐三秋鴈年年一度歸

婕妤怨

王維

宮殿生秋草君王恩幸踈那堪聞鳳吹門外度金輿

長信宮

崔國輔

長信宮中草年年秋處生時侵珠履跡不使玉階行

怨詞

妾有羅衣裳秦王在時依為舞春風多秋來不堪著

苦樂相倚曲

元稹

古來苦樂之相倚近於掌上之十指君心半夜猜恨生荆棘滿懷
天未明漢皇眼瞥飛燕時可憐班女恩已衰未有因由相決絕猶
得半年佯暖熱轉將深意喻傍人緝綴疵瑕遺諧說一朝詔下辭

金屋班姬自痛何倉卒呼天拊地將自明不悟尋時暗銷骨白首
宮人前再拜願將日月相揮解苦樂相尋晝夜聞燈光那得天明
在主今被奪心應苦妾奪深恩初為主欲知妾意恨主時主今為
妾思量取班姬收淚抱妾身我曾排擯無限人

妾薄命

李白

漢帝重阿嬌貯之黃金屋咳唾落九天隨風生珠玉寵極愛還歇
妬深情却踈長門一步地不肯暫迴車雨落不上天水覆最難收
君情與妾意各自東西流昔日芙蓉花今成斷根草以色事他人
能得幾時好

白頭吟

張籍

請君膝上琴彈我白頭吟憶昔君前嬌笑語兩情宛轉如縈素宮
中為我起高樓更開花池種芳樹春天百草秋始衰棄我不待白
頭時羅襦玉珥色未暗今朝已道不相宜揚州青銅作明鏡暗中
持照不見影人心迴互自無窮眼前好惡那能定君恩已去若再
返菖蒲花青月長滿

烈女操

梧桐相待老鴛鴦會雙死貞女貴殉夫捨生亦如此波瀾誓不起妾心井中水

孟郊

節婦吟寄東平李司空

張籍

君知妾有夫贈妾雙明珠感君纏綿意繫在紅羅襦妾家高樓連花起良人執戟明光裏知君用心如日月事夫誓擬同生死還君明珠雙淚垂何不相逢來嫁時

織女詞

元稹

織婦何太忙蠶經三卧行欲老蠶神女聖早成絲今年絲稅抽徵早早徵非是官人惡去歲官家事戎索征人戰苦東刀瘡主將勳高換羅幕線絲擦機苦難織東家頭白雙女兒為解挑紋嫁不得余據荆時目擊貢綾戶有終老不嫁之女誓言前裹裹游絲二上有蜘蛛巧來往羨池蟲芴解緣天能向虛空織羅網

靜女詞

孟郊

豔女皆妬花靜女獨檢蹤任體恥任粧嫁德不嫁容君子未求聘

小人難相從此志誰與說琴絃幽韻重

寄衣曲

張籍

織素縫衣獨苦辛遠因迴使寄征人官家亦自寄衣去貴從妾手著君身高堂姑老無侍子不得自到邊城裏殷勤為看初著特征人身上宜不宜

白紵歌

張籍

皎皎白紵白且鮮將作春衣稱少年裁縫長短不能定自持刀尺向姑前復恐蘭膏污纖指常遣傍人收墮珥衣裳著時寒食下還把玉鞭鞭白馬

征婦怨

九月匈奴殺邊將漢軍全歿遼水上萬里無人收白骨家家城下招魂葬婦人依倚子與夫同居貧賤心亦舒夫死戰場子在腹妾身雖存如畫燭

春思

李白

燕草如碧絲秦桑低綠枝當君懷歸日是妾斷腸時春風不相

識何事入羅帷

春別曲

張籍

長江春水綠堪染蓮葉出水大如錢江頭橋樹君自種那長繫木蘭船

古樂府雜怨三首

孟郊

天桃花清晨遊又紅粉新天桃花薄暮遊女紅粉故樹有百度花人無一定顏花送人老盡人悲花自開

貧女鏡不明寒日花少容暗蛩有虛織短線無長縫浪水不可照狂夫不可從浪水多散影狂夫多異蹤持此一圭薄空成萬恨濃○憶人莫至悲至悲空自衰寄人莫翦衣翦衣未必歸朝為雙蒂花暮為四散飛落花却遶樹遊子不顧期

長干行

李白

妾髮初覆額折花門前劇郎騎竹馬來遶牀弄青梅同居長千里兩小無嫌猜十四為君婦羞顏未嘗開低頭向暗壁千喚不一迴十五始展眉願同塵與灰常存抱柱信豈上望夫臺十六君遠行

深不可掃落葉秋風早八月胡蝶黃雙飛西園草感此傷妾心坐愁紅顏老早晚上三巴預將書報家相迎不道遠直至長風沙

古薄命妾

孟郊

不惜十指絃為君千萬彈常恐新聲至坐使舊聲殘棄置今日悲即是昨日歡將新變故易持故為新難青山有蕨蕪淚葉長不乾空令後世人採掇幽思攢

母別子

白居易

母別子子別母白日無光哭聲苦關西驃騎大將軍去年破虜新策勳敕賜金錢二百萬洛陽迎得如花人新人迎來舊人棄掌上蓮花眼中刺迎新棄舊未足悲悲在君家有兩兒一始扶行一初坐坐啼行哭牽人衣以爾夫妻新嫵婉使我母子生別離不如林中鳥與鵲母不失鷓鴣雄伴雌又似園中桃與李花落隨風子在枝新人新人聽我語洛陽無限紅樓女但願將軍重立勳更有新人勝於汝

夜夜曲

釋貫休

蟪蛄切切風騷騷芙蓉噴香蟾蜍高孤燈耿耿征婦勞更深撲落
金錯刀

蜀道難

李白

噫噓噓危乎高哉蜀道之難難於上青天猿聲叢及魚鳧開國何
茫然爾來四萬八千歲不與秦塞通人煙西當太白有鳥道可以
橫絕峩嶻巔地崩山摧壯士死然後天梯石棧相勾連上有橫河
斷海之浮雲下有衝波逆折之迴川黃鶴之飛尚不能過猿猱欲
度愁攀緣青泥何盤盤百步九折縈巖巒扞參厓并仰脅息以手
拊膺坐長歎問君西遊何當還畏途巖巖不可攀但見悲鳥號古
木雄飛呼雌遶林間又聞子規啼夜月愁空山蜀道之難難於上
青天使人聽此凋朱顏連峯去天不盈尺枯松倒挂倚絕壁飛湍
瀑流爭喧豗砢崖轉石萬壑雷其險也若此嗟爾遠道之人胡為
乎來哉劍閣崢嶸而崔嵬一夫當關萬夫莫開所守或匪親化為
狼與豺朝避猛虎夕避長蛇磨牙吮血殺人如麻錦城雖云樂不
如早還家蜀道之難難於上青天側身西望長咨嗟

行路難

張籍

湘東行人長歎息十年離家歸未得弊裘羸馬苦難行僮僕盡
飢少筋力君不見牀頭黃金盡壯士無顏色龍蟠泥中未有雲不
能生彼昇天翼

行路難三首

李白

金樽清酒斗十千玉盤珍羞直萬錢停盃投筋不能食拔劍四顧
心茫然欲渡黃河水塞川將登太行雪暗天閉居垂釣坐谿上忽
然棄舟夢日邊行路難行路難多歧路今安在長風破浪會有時
直挂雲帆濟滄海

大道如青天我獨不得出羞逐長安社中兒赤雞白狗賭梨栗彈
劍作歌奏苦聲曳裾王門不稱情淮陰市井笑韓信漢朝公卿忌
賈生君不見昔時燕家重郭隗擁篲折腰無嫌猜劇辛樂毅感恩
分輸肝剖膽效英才昭王白骨縈蔓草誰人更掃黃金臺行路難
歸去來

有耳莫洗頽川水有口莫食首陽蕨含光混世貴無名何用孤高
比雲月吾觀自古賢達人功成不退皆墮身子膏既棄吳江上屈
原終投湘水濱陸機雄才豈自保李斯統駕苦不早華亭鶴唳誰
可聞上蔡蒼雁烏何足道君不見吳中張翰稱達生秋風忽憶江東
行且樂生前一盃酒何須身後千載名

變行路難

王昌齡

向晚橫吹悲風動馬嘶合前驅引旌節千里陣雲布單于下陰山
沙磧空颯颯封侯取一戰豈復念閨閣

太行路

白居易

太行之路能摧車若比君心是坦途巫峽之水能覆舟若比君心
是安流君心好惡苦不常好生毛羽惡生瘡與君結髮未五載豈
期牛女為參商古稱色衰相棄背當時美人猶怨悔何況如今亦鳥
鏡中妾顏未改君心改為君薰衣裳君聞蘭麝射不馨香為君盛
容飾君看珠翠無顏色行路難難重陳人生莫作婦人身自年苦
樂田他人行路難難於山險於水不獨人間夫與妻近代君臣亦

如此君不見左納言右納史朝承恩暮賜死行路難行路難不若
水不在山祇在人情反覆間

梁甫吟

李白

長嘯梁甫吟何時見陽春君不見朝歌屠叟辭棘津八十西來釣
渭濱寧羞白髮照清水逢時吐氣思經綸廣張三千六百鈞風期
暗與文王親大賢虎變愚不測當年頗似尋常人君不見高陽酒
徒起草中長揖山東隆淮公一開遊說騁雄辯兩女輟洗來趁風
東下齊城七十二拍麾楚漢如旋蓬狂客落魄尚如此何況壯士
當群雄我欲攀龍龍見明主雷公砰訇震天鼓帝傍投壺多玉女三
時大笑開電光倏燦晦冥起風雨閻闔九門不可通以額叩關闔
者怒白日不照吾精誠杞國無事憂天傾蹙踰磨牙競人肉騶
虞不折生草莖手接飛猱搏彫虎側足焦原未言苦智者可卷愚
者豪世人見我輕鴻毛力排南山三壯士齊相殺之費二稅吳越用
兵無劇豈夫哈爾為徒勞梁甫吟聲正悲張公兩龍劍神物合
有時風雲感會起屠釣大人峴岬當安之

走馬引

李賀

我有辭鄉劍玉鋒堪載雲襄陽走馬使意氣自生春朝燠劍花浮
暮嫌劍光冷能持劍向人不解持照身

孟門行

崔顥

黃雀銜黃花翩翩傍簷隙本擬報君恩如何反彈射金罍美酒
滿座春平原愛財多眾賓滿堂盡是忠義士何意得有讒諛人諛
人翻覆那可道此令君心不自保北園新栽桃李枝根株未固何
轉移成陰結子君自取若問傍人那得知

沐浴子

李白

沐芳莫彈冠浴蘭莫振衣處世忌太潔志人貴藏輝滄浪有釣叟
五石與爾同歸

將軍行

劉希夷

將軍關轅門耿介當風立諸將欲言事逡巡不敢入劍氣射雲天
鼓聲破原隰黃塵塞路起走馬追兵急鸞弓從此去飛箭如中集
戰鬪一百里斬首五千級代馬流血死胡人抱鞍泣古來養甲兵

有言常計龍裝我廟堂運坐使干戈戢獻凱歸帝京軍容何象

將軍行

張籍

彈箏峽東有胡塵天子擇日拜將軍蓬萊殿前賜六纛還領禁兵
為部曲當朝受詔不辭家夜向咸陽原上宿戰車彭彭旌旗動三
十六軍聲上隴隴頭戰勝夜亦行分兵處處收舊城胡兒殺盡陰
積奠擾擾唯有牛羊聲邊人親戚曾戰恐令逐官軍收舊骨積西
行見萬里空樂府獨奏將軍功

霍將軍

崔顥

長安甲第高入雲誰家居住霍將軍日晚朝迴擁賓從路旁揖拜
何紛紛莫言多手手可執須臾火盡灰亦滅莫言貧賤即可欺人
生富貴自有時一朝天子賜顏色世上悠悠應自知

老將行

王維

少年十五二十時步行奪取胡馬騎射殺山中白額虎肯數新下
黃鬚兒一身轉戰二千里一劍曾當百萬師漢兵奮迅如霹靂虜
騎崩騰畏蒺藜青不敗由天幸李廣無功緣數奇自從棄置便

衰朽世事蹉跎成白首昔時飛箭無全首今日垂楊生左肘路傍
時賣故侯瓜門前學種先生柳茫茫古木連窮巷冥冥落寒山對虛
牖誓令踈勒出飛泉不似潁川空使酒賀蘭山下陣如雲羽檄交
馳日夕聞節使三河募年少詔書五道出將軍試拂鐵衣如雪色
聊持寶劍動星文願得燕弓射大將恥令越甲鳴吾君莫憊舊日
雲中守猶堪一戰取功勳

鴈門太守行

李賀

黑雲壓城城欲摧甲光向日金鱗開角聲滿天秋色裏塞上燕支
凝夜紫半卷紅旂臨易水霜重鼓聲寒不起報君黃金臺上意提
攜玉龍為君死

從軍行六首

劉長卿

迴首虜騎合城下漢兵稀白刃兩相向黃雲愁不飛手中無尺鐵
徒欲穿重圍
落日更蕭條北風動枯草將軍追虜騎夜失陰山道戰敗仍樹勳
韓彭但空老

東沽秋塞上望見漁陽郭胡馬嘶一聲漢兵淚雙落誰為吃
此事今人薄

自極鴈門道青青邊草春一身事征戰匹馬同辛勤末路成白首
功歸天下人

倚劍白日暮望鄉登戍樓北風吹羌笛此夜關山愁迴首不無意
漳河空自流

黃沙一萬里白首無人憐報國劍已折歸鄉身幸全單于古臺下
邊色寒蒼然

塞上曲

戎昱

樓上畫角哀即知兵心苦試問左右人無言淚如雨何意休明時
終年事鼙鼓

塞下曲

郎士元

寶刀塞上兒身經百戰曾百勝壯心竟未嫖姚知白草山頭日初
沒黃沙城下歌聲發蕭條夜靜邊風吹獨倚營門望秋月

古塞曲

王季友

將軍飛狐北窮寇勢將變日落沙塵昏背河更一戰駢馬黃金勒
彫弓白羽箭射殺左賢王歸奏未央殿欲言塞下事天子不召見
東出咸陽門哀哀淚如霰

出塞曲

劉灣

將軍在重圍音信絕不通羽書如流星飛入甘泉宮倚是并州兒
少年心膽雄一朝隨召募百戰爭王公去年桑乾北今年桑乾東
死是征人死功是將軍功汗馬敗秋月疲人卧霜風仍聞左賢王
更欲圍雲中

燕歌行 并序

高適

開元十年客有御史大夫張公出塞而還作燕歌行以示適感征
戍之事因而和焉

漢家煙塵在東北漢將辭家破殘賊男兒本自重橫行天子非常
賜顏色擬金伐鼓下榆關旌旗逶迤碣石間校尉羽書飛瀚海單
于獵火照狼山山川蕭條極邊土胡騎憑凌雜風雨戰去軍前半
死生美人帳下猶歌舞大漠窮秋寒草衰孤城落日鬪兵稀身當
死地輕敵力盡關山未解圍鐵衣遠戍辛苦久玉箸應啼別
後少婦城南欲斷腸征人剗北空迴首邊風飄颻那可度絕域蒼
茫何所有殺氣三日作陣雲寒聲一夜傳刁斗相看白刃血紛紛
死節從來豈顧勳君不見沙場征戰苦至今猶憶李將軍

燕支行

王維

漢家天將才且雄來時謁帝明光宮萬乘親推雙闕下千官出饒
五陵東誓辭甲第金甌裏身作長城玉塞中衛霍纔堪一騎將朝
廷莫數貳師功趙魏燕韓多勁卒關西俠少何咆教報讎只是聞
嘗膽飲酒不冒妨刮骨畫戟瑀戈白日寒連旗大旆黃塵沒鼙鼓
遙翻瀚海波鳴笳亂動天山月麒麟錦帶佩吳鉤颯水青驪躍紫
駟拔劍已斷天驕臂歸鞍共飲月支頭漢兵大呼一當百虜騎相
看哭且愁教戰雖令赴湯火終知上將伐謀猷

隴頭吟

長城少年遊俠客夜上戍樓看太白隴頭明月迴臨關隴上行人
夜吹笛關西老將不勝愁駐馬聽之雙淚流身經大小百餘戰塵

下偏裨萬戶侯蘇武纔為典屬國節毛空盡海南頭

陰山道

白居易

陰山道陰山道紇邏取肥水泉好每至戎人送馬時道傍千里無
織草草盡泉枯馬病羸飛龍但印骨與皮五匹練易一匹練去
馬來無了日養無所用土非宜每歲死傷十六七練絲不足女工
苦踈織短裁七匹數藕絲蛛蠅三丈餘迴鶻許稱無用處咸安公
主號可敦遠為可汗頻奏論元和二年下新敕內出金帛酬馬首
仍詔江淮馬價練從此不令踈短織合羅將軍呼萬歲捧受金銀
與練絲誰知點虜改貪心明年馬來多一倍練漸好馬漸多陰小
虜六爾何

胡無人

李白

嚴風吹霜海草凋筋幹精堅胡馬驕漢家戰士三十萬將軍兼領
霍嫖姚流星白羽腰間插劍花秋蓮光出匣天兵照雪下玉關虜
箭如沙射金甲雲龍風虎盡交迴大白入月敵可摧敵可摧旄頭
滅履胡之腸涉胡血懸胡青天一埋胡此塞傍胡無人漢道昌

飲馬長城窟

釋子蘭

游客長城下飲馬長城窟馬嘶聞水腥為浸征人骨豈不是流泉
終不成潺湲洗盡骨上土不洗骨中冤骨若不流水四海有還魂
空流嗚咽聲聲中疑是言

關山月

張籍

秋月明明關山上山中行人馬蹄響關山秋來雨雪多行人見月
唱邊歌海邊漠漠天氣白胡兒夜度黃龍磧軍中探騎暮出城
伏兵暗處低旌戟漢水連天霜草平野駝尋水磧中鳴隴頭風急鴈
不下沙場苦戰多流星可憐高國關山道年年戰骨多秋草

古長城吟

王翰

長安少年無遠圖一生唯羨執金吾騏驎前殿拜天子走馬為君
西擊胡胡沙獵獵吹人面漢虜相逢不相見遙聞鍾鼓動地來傳
道單于夜猶戰此時顧恩寧顧身為君一行摧萬人壯士揮戈迴
白日單于賤血染朱輪迴來飲馬長城窟長城道傍多白骨問之
耆老何代人云是秦王築城卒黃昏塞北無人煙鬼哭啾啾盡涕

天無罪見誅功不賞孤魂流落此城邊當昔秦王按劍起諸侯膝
行不敢視富國疆兵二十年築怨興徭九千里秦王築城何太愚
天寶亡秦非北胡一朝禍起蕭牆內渭水咸陽不復都

長城作

鮑溶

蒙公虜生人北築秦氏冤禍興蕭牆內萬里防禍根城成六國亡
宮闕啓千門生人半為土何用空中原奈何天下人骨肉尚酬恩
投沙擁海水安得不久翻乘高慘人魂寒日易黃昏枯骨貫折鐵
沙中如有言萬古驪山葬誰知野火燭

占築城曲五首

元稹

年年塞下丁長作出塞兵自從冒頓強官築遮虜城
築城須努力城高遮得賊但恐賊路多有城遮不得
丁口傳父口莫問城堅不平城被虜圍漢斷城牆走
茲虜請休和虜往騎來過半疑兼半信築城猶嗟哉
築城安敢煩願聽丁一言請築鴻臚寺兼愁虜出關

築城詞

張籍

築城去丁人萬人齊抱杵重重土堅試行錐軍吏執鞭催作澤
時一年深積裏著盡短衣渴無水力盡不得拋杵聲杵聲未定人
皆死家家養男當門戶今日作君城下土

築城詞二首

陸龜蒙

城上一培土手中千萬杵築城畏不堅堅城在何處
莫歎將軍逼將軍要却敵城高功亦高爾命何勞惜

聽董大彈胡笳聲兼語弄寄房給事

李頎

蔡女昔造胡笳聲一彈一十有八拍胡人落淚向邊草漢使斷腸
對歸客古戍君蒼烽火寒大荒陰沉飛雪白先拂商弦後角羽四
郊秋葉驚撼撼董夫子通神明深山竊聽來妖精言遲更速皆應
手將往復旋如有情空山百鳥散還合萬里浮雪陰且明嘶酸鵝
雁鳥失群夜斷絕胡兒戀母聲川為靜其波鳥亦罷其鳴烏珠部落
家鄉遠邏沙塵哀怨生出音變調忽飄灑長風吹林雨墮瓦迸
泉颯颯飛木末野鹿呦呦走堂下長安城連東掖垣鳳皇池對青
瑣門高才脫略名與利日夕望君抱琴至

唐文粹第十二





